

南康縣志

高清岳題簽



一 卷首卷 編一



南康縣志第一編目錄

卷首

凡例 原序 歷修職名表

卷一地理志

星野 氣候 疆域 沿革 山水 水利 津梁橋渡 古蹟 風俗 物產

卷二建置志

城池 壇廟 公署試院 寺觀育嬰堂 養濟院 濶澤園 昭忠祠

卷三食貨志

賦役 倉儲

卷四學校志

學宮 書院 社學 賓興

卷五武備志

兵制 武事

卷六職官志



秩官 名宦 封爵 封廕 世襲

卷七選舉志

薦辟 進士 鄉舉 貢生 仕籍雜途 鄉飲 勞績

卷八人物志

名宦 學博 孝友 善士 隱逸 武勳 忠義 道學 列女 寓賢

卷九藝文志

論辨 序跋 奏議 書牘 贈序 規約 傳狀 碑記 雜記 頌贊 禱祭

辭賦 詩歌

卷十雜類志

祥異 瑩墓 雜志

卷十一壯愍志

壯愍 殉難

南康縣志第一編卷首

凡例

一志本三通分門別類以囊括事實上天文則有星野氣候下而地理則有山川疆域城池公署中而人事其政行於上者則有祀典學校賦役兵衛秩官選舉諸條其化及於下者則有風俗物產人物列女以及藝文古蹟等類皆據事直書足垂炯鑒前志次序甚當今仍其舊

一祀典省志先載文廟縣志則登學校重道即以尊聖仍循舊志惟各省用武以來捐輸軍餉青矜首沐皇仁南康學額既廣而各紳士以籌餉餘資集為賓興公款凡入學以至文武鄉會試貢生朝考均給川資卷費寒士實深利賴此好義之風實足培植士氣者也茲將賓興局現定章程附於學校之後庶盛舉可垂久永

一驛鹽省志有專條縣志驛站附在田役略而不詳鹽引並不載入然國賦所關且日用不可缺無論引日多寡皆宜詳載茲並摘附田役之後

一釋道方技縣志不載釋道原屬左道且既有寺觀何用別列至方技雖非異教而專精者難得未可濫登

一列女應以受旌表者登諸邑乘惟窮簷茅屋不知呈報或無力請旌者所在多有婦孺苦節豈可忍其湮沒茲照省定章程凡在縣呈報具有族鄰切結者概登乘志

秩官 名宦 封爵 封廕 世襲

卷七選舉志

薦辟 進士 鄉舉 貢生 仕籍雜途 鄉飲 勞績

卷八人物志

名宦 學博 孝友 善士 隱逸 武勳 忠義 道學 列女 寓賢

卷九藝文志

論辨 序跋 奏議 書牘 贈序 規約 傳狀 碑記 雜記 頌贊 禱祭

辭賦 詩歌

卷十雜類志

祥異 塋墓 雜志

卷十一壯愍志

壯愍 殉難

南康縣志第一編卷首

凡例

一志本三通分門別類以囊括事實上而天文則有星野氣候下而地理則有山川疆域城池公署中而人事其政行於上者則有祀典學校賦役兵衛秩官選舉諸條其化及於下者則有風俗物產人物列女以及藝文古蹟等類皆據事直書足垂炯鑒前志次序甚當今仍其舊

一祀典省志先載文廟縣志則登學校重道即以尊聖仍循舊志惟各省用武以來捐輸軍餉青矜首沐皇仁南康學額既廣而各紳士以籌餉餘資集爲賓興公款凡入學以至文武鄉會試貢生朝考均給川資卷費寒士實深利賴此好義之風實足培植士氣者也茲將賓興局現定章程附於學校之後庶盛舉可垂久永

一驛鹽省志有專條縣志驛站附在田役略而不詳鹽引並不載入然國賦所關且日用不可缺無論引日多寡皆宜詳載茲並摘附田役之後

一釋道方技縣志不載釋道原屬左道且既有寺觀何用別列至方技雖非異教而專精者難得未可濫登

一列女應以受旌表者登諸邑乘惟窮簷茅屋不知呈報或無力請旌者所在多有孀婦苦節豈可忍其湮沒茲照省定章程凡在縣呈報具有族鄰切結者概登乘志

一 康邑自咸豐年間潭匪大股攻撲縣城及各處股匪竄擾縣境十載以來官紳練勇籌餉勤守兼施力援他境義武之烈卓著江省迄今事定論功在事諸臣渥邀優獎而膏聲原野喋血疆圉上邀朝廷卹賞者幾及萬人慷慨乎勇義之氣較舊志光昭矣茲詳志軍務始末其陣亡死難者另志壯愍編以昭不朽

一 誥軸無論封贈先代以及本身均須祇領誥軸敕軸登諸乘志以昭核實舊志封爵軸封分列二門既屬繁瑣而未領軸章者亦以遵例登之未免濫列茲以誥敕志爲一門其未領軸者概不登入以見朝章不可虛假也

一 選舉例登科甲及恩拔歲附優貢其援例納粟者無論京官外秩均須手握印符或實在到部到省方准列入况歷年捐例頻開鄉曲農夫皆得榮膺階級一概濫登殊不合體今定自科甲五貢以及軍務保舉援例捐納實在官階並武職掾考鄉飲均列入選舉其功牌虛銜及捐納虛銜例貢職監概不登列以示區別

一 舊志藝文過冗列傳太繁不合志乘體裁茲將各傳通錄事實附於人物名下其實有懿行素節數語不能盡者仍列傳以表
一 舊志藝文詩賦有無關風俗政治及並非先賢名作藝文雜體載廟署等處上梁文殊嫌冗贅今皆刪去

第一次編纂原序一

吏職之當修也簿書期會已耶視熾惡以明趨擇弛張以制用究登耗以經物皆其大者而圖之故宜急也緩是而吏不可以言職稽古周官太宰以六典佐治其土地之圖人民之數賓興之典掌以大司徒又雜統於諸官而其典則掌於太史使辨法者考焉郡國四方之書其昉諸此乎自漢以後代有敍譔無慮數十家故君子不出戶庭而能上下古今牢籠百態以周世用者則圖籍以爲徵也我皇祖新命即詔儒臣修志而總以太史蓋先之也千百年隆久亦文獻昭垂有足恃歟志不可無明矣南康爲邑云舊乃治乃風踵襲滋流而志缺焉其山川之理壤土之產俗氣之尙貢賦之常莫之有稽吏之所出習之所成凡其淑否之足以示勸戒而係人心者漫不可知則令而有思以轉移補救之者已患於文獻之不足矣矧以愚綿邈視篆之暫耶乃於癸丑春以筆率邑丞艾尙古博士卓光輝劉賓請修於雙峯劉公而命庠弟子員以楮硯從至是告成凡十三卷公以明進士蚤歲家居究心時事肆力於學益閎以邃而充養日粹且國族於斯聞見綜確存疑釐謬悉史氏法所論著皆鑿鑿根要愚於是得而讀之而知吏之易易矣是故志目雖多要之自剏縣以至橋梁則皆登耗之迹也自職官以至藝文則皆熾惡之徵也而終以寺觀以備物則一邑之事盡矣視以明吏之趨而究之擇之制其用以經物凡所以盡人之情而極

事之變蓋一展卷而伸縮有成畫矣雖之天下乎何有其於吏職也不有大紳乎雙峯公暨南康令曾子迪謂「愚嘗邑時實首茲舉宜有言」故不辭不文而颺言以識志之所始明嘉靖二十三年甲寅春南安府推官洗沂序

第一次編纂原序二

邑志既成編雙峯山人昭文復申言之言曰茲志也聊以備一邑未成之書已乎夫奚足爲志也杞宋無徵夏殷難言茲南楚爲邑自西漢始乃漢事寥寥雖唐之中葉固所紀述是以君子深憾焉先是郡推竹潭洗公視篆茲邑欲稽往典而無從也因嘆邑無專志匪以垂訓誨日將幣以成事屬余余不敏固謝不獲乃夙夜殫心平好惡公取舍旁搜載籍而又兼聽乎故老野叟經生學子之談其所根據大率惟新舊郡乘所志之邑事而各以其類節之爲圖三爲卷十有三爲目四十於是沿革之由天文地理之故民風食貨建置典禮政教之詳以及夫職官選舉名賢孝節之行咸彬彬彙見述故事而整齊之或一二訛者正之遺者續之其間增定損益者無幾如學政社學社倉兵防里社鄉厲之制余嘗竊取其義反復一篇之中三致意焉宦績有書賢不能忘也人物無所增焉公論俟久而定也書孝行者錄一節也續貞節三人焉狗衆以昭隱也詩文特志不欲以文滂事也終之以寺觀焉外邪崇正則雜說在所略矣嗟夫茲惟艱哉炫文詞者失之浮任質素者失

之野尙同者博愛而不精懷刻者輕視而不廣是故廣而弗刻精而弗同文而弗浮質而弗野不怵勢利不比親暱不安近習不擾凡言夫然後足以述往詔來或庶幾乎志也余奚有一於是竊願學而未能焉余故曰平好惡公取舍聊以備一邑未成之書已乎或者曰里社鄉厲諸篇制也牌法鄉約於志例何居曰邑有志猶國有史所謂記事之書也然事豈有先於人心風俗者乎我聖祖憲天立極稽古圖治體井里之遺意而有里社鄉厲之制所以聯屬人心移易風俗垂之萬世無敝者迨文具徒存民渙而風頹諸政之敝也亦必由之陽明王公節制斯土又體里社之遺意而爲之牌法鄉約焉其法約其治廣君子官於斯及生於斯者能舉而措之宣之以德意酌之以時宜行之以誠信修之以和睦由是而里社復焉鄉厲社學社倉兵防諸政行焉即閭里之人藹然一家一體之愛而無有乎悖逆侵凌淫蕩忍昧之非以徵公論以成德藝以興禮樂以均賦役以防姦宄事固有舉其一而諸善從是故君子惟本之爲務不然亦奚取於志茲舉也洗公實倡厥始方屬藁而見曰曾公令尹茲邑募工鉅梓式成厥終曾公壯年茂學雅志貞守爲政知大體而孚上下及梓人告成適大中丞周潭汪公奉命臨虔右文飭武慨然有慕於陽明先生之政而以民風爲首務兵憲讓溪游公省風作士秉政協謀郡守巖潭王公承德美而布之惟教養是圖所謂正人心而厚風俗固賴當路君子得我心之同然也然則茲志之所

屬望焉者豈但託諸空言而已哉時同事纂修庠士賴資錦陽吳學夔奚元吉而繕寫成書則郭日貢因併書之

明嘉靖三十四年乙卯五月既望進士刑部陝西清吏司員外郎邑人劉昭文汝簡撰

第二次重修原序一

郡縣之有志舊已然或缺焉而不修或修焉而不詳魯魚罔辨者失之蒙金根誤改者失之鄙甚至釘鉸贊本探作藝苑之名篇無是子虛引爲里門之賢達徒取充帙而蕪舛誕謬比比皆是求一所謂綜博而精詳者誠憂憂乎其難之今天下郡縣各輯其志上之內史趨上命也余備乏南安承茲鉅典亟問諸郡乘而藏板湮燼無復存者杞宋無徵方惴惴焉不克竣事爲懼未幾南康陳令以其縣志十二卷貽予乃陳令蒞事九年來日與邑紳士所纂輯而參訂者或本諸典章令甲之昭垂或訪諸縉紳耆舊之聞見旁逮荒碑稗乘有美必登無徵不錄日積月累至於成書宜乎綜博精詳非務爲苟且塞責者同年語也昔人謂龍門史記有左氏國語國策呂氏春秋供其薈蕞而班叔皮之後傳虞叔齊晉書皆有所資藉故稱良史今是志蚤竣余得竊取焉集成郡乘全書用應今天子之休命庶無難乎夫古今有治人乃有治法後之見是志者撫其城郭山川稽其道里風俗而知戶口何以昔耗而今增土田何以昔荒而今墾城垣署宇學校廟祀諸廢何以具舉則又

陳令賢勞實績九年斯邑以來鑿鑿有不可掩者矣其有不觀感而興相勉於職業乎縣志梓成陳令以余職在守土請余一言余既幸郡志之藉是以有成而又多陳令之賢勞以告後之從政者遂罔飭固陋而弁其端如此

康熙十三年甲寅孟夏月南安府知府三韓李世昌撰

第二次重修原序二

江省之有南康縣置於漢高祖之五年而名於晉太康之元年南康縣之有志修於明嘉靖之甲寅而毀於後丙戌之兵燹康熙甲辰暉奉命蒞茲土觀二南九日之秀鯉山禽水之奇且王元渤稱爲衣冠文物之名區財賦舟車之都會知漢唐以來必多英偉特拔之士鍾山川靈氣而生應盛世昌明而出者急欲索舊志而覽之奈原板已付劫火藏本亦成冷灰爰與諸紳衿共謀修輯或錄之殘編或詢之耆老隨收隨入凡九年而始得數帙然其間紀事弗得其詳敷文多過乎質且疑信者相半欲覓一名賢大儒細加參核而後問世奈南康雖當孔道實稱巖邑竟無有驅車下榻者夫志猶史也從來史臣修纂欽承重典莫不集思廣益共成一書猶不能使閱者不吹毛而索瘢矧一衝繁俗吏偕三五書生參訂通邑百餘年之缺牒其不爲人所吹索也幾希故未敢輕付棗梨今幸皇圖一統檄取天下郡縣志書纂修通志誠大典也遂將九年來諸紳士所搜集各帙復考諸郡志

以綜其要參之碑刻以訂其實凡所損益仍公同商酌至當紀事甯詳毋略敷文甯實毋華信者傳信疑者闕疑編卷共十有二如建置疆域山川形勝關一邑之風氣自昔及今未有改也若里籍丁賦繫朝廷之版章康邑肘腋虔州爲戎馬擾攘者數年及定鼎被閩賊蹂躪又數年丁口消耗者十之六田土荒蕪者三之二年來幾經招徠勸懇幸戶口遞增荒蕪懇而賦遞陞庶幾無負聖治承平之化耳至於志學校禮制以崇文教志堡鎮塘寨以資武備志風俗以別淳澆志祥異以徵休咎志橋梁水利以資民生志職官宦績以昭政教志選舉以及節孝義烈並藝文詩賦則一邑之人物文章皆可披閱而盡也惟是均此山川均此學校而科目遜乎明其不及宋尤甚何哉論者謂文運通塞繫乎天或謂善言天者先徵諸人今學宮鼎新文明應候有志之士奮然殫人事以回天意安知宋淳熙嘉定之盛不復覩於今耶凡茲所輯非敢即爲全乘聊具粉本庶後之君子欲從而續修之潤色之得此爲有藉云爾同與參訂者則有明經郭民鉉王家珙庠生郭良工等應並書之

康熙十二年癸丑仲秋望日閩中陳暉譔

第三次重修原序一

邑乘載一邑事也而其間山川疆域之勢人物土風之奇惟環百里以內者爲能周知而

稔悉焉故其視省郡志加詳又最確而覽風者必於是徵信也我皇上博採方輿纂修一統志邇復遣重臣巡行海內洞悉民瘼蓋幅幘遠廓未有如本朝者則凡所在有司體此意以承流宣化者得不以志書爲亟亟歟余衡文江右庚寅春行部至南贛試既竣南康諸生以邑令申君新文廟請爲記以落其成余以事關學政既弗辭未幾又齎其新志全編來問序余曰有是哉賢令之能審所尙也獨是志之傳信也無異於史而志之取信也較難於史非有史官筆削之權豈易爲之予奪焉褒貶焉而况牧民之吏朝簿書而夕錢穀當事者勢必假手於他人唯是承訛襲僞而已雖修猶弗修也秉筆者或且師心以自用惟是粉飾藻績而已雖修不如勿修也以數百年激揚風紀之事而供毛穎之倒持正所謂弗躬弗親庶民弗信者且不可以欺一時耳目而又何問天下後世乎此則從來修志之流弊而志之所以不可盡信也今申君之爲是書也既不偏於臆見亦不徇乎流俗其蒐羅軼事也多購諸舊簡其闡揚潛德也或採之窮簷公退之暇下帷懸燭校讐再四而後成編則斯志也洵乎具作史之苦心矣於以移風易俗使人回心而鄉道豈淺鮮哉吾聞申君蓋潛心理學者其爲政也務在勿欺夫勿欺則直勿欺則真此物此志矣予嘉其足當輜軒之採而可補於信史也亦不辭而序之如此至其循良之譽所爲布德施惠而行慶兆民者公論自在天下予固無所贅也夫

康熙庚寅歲中元前一日賜進士出身提督江西通省學政按察使司僉事昆陵董佩笈
帖瞻氏撰

第三次重修原序二

嘗考夫志者誌也凡一郡一縣之山川人物興廢沿革與夫戶口賦役文章風俗無不備
載而畢誌之不獨備輶軒之採訪亦使後之觀者有以感發興起即職斯土者取而採擇
融貫焉或廢或興當沿革考戶口之增減核賦役之輕重較文氣之醇漓察風土之厚
薄施於爲政亦迎刃而解不煩餘力此志之所以作也我皇上覃敷四海撫馭六合普天
之下盡入版圖特命儒臣纂修一統志付諸史館以昭垂不朽而凡省郡州縣靡不有志
焉南安居西江上游爲百粵咽喉理學之名區人文之淵藪安得無志惟因前此者視爲
不急略而不講遂成斷簡殘編嗣因疊罹兵燹則所存斷簡殘編又盡爲灰飛烟燼矣可
勝浩嘆余承乏佐郡代庖府篆亟謀修輯郡乘甫竣適南康令容城申君亦以縣志告成
請余一言爲序披閱之下見其考覈精詳蒐羅淹博疑者刪之信者存之闕者補之訛者
訂之條分縷晰纖悉備載因掩卷而嘆曰文章政事固相通而不悖者也惟存乎其人而
已申君下車以來輕刑革耗崇本抑末搜錄遺言闡揚潛德與夫修學宮建尊經閣以崇
文教而文風丕振旌節孝表懿行以培風俗而風俗日醇何莫非志之所宜載而先融貫

於胸次之間設施於爲政之際猗歟休哉三年有成非迎刃而解不煩餘力之明驗也歟
政成而汲汲修輯成書付諸剞劂將以俾後來者之採擇融貫以施於爲政豈不綽綽然
有餘裕哉是申君之心也即余之初心也是爲序

康熙四十九年歲次庚寅中秋月南安府同知署府事加三級廣寧遲維重撰

第三次重修原序三

南康志前此無有乎曰「有」有則曷修曰「修於嘉靖乙卯者已付灰燼」繼此無有乎曰
「有」有又曷修曰「修於康熙壬子復罹兵燹」是以二志雖修而版籍罔存毓來偶幸承
乏竊嘆往迹之易湮而懼文獻之無徵也視事初亟欲謀修而時有未遑邇奉憲府檄文
督修邑乘爰蒐從前舊志得嘉靖間繕本重加訂次復爲網羅近事遴集同志矢公矢慎
經幾敲駁而後成書茲出問世而潛爲序曰古者自王朝以迄列國皆有史官以記言與
事而史於是乎重固得失之林而法戒所從出也今之郡邑猶古之邦國是邑之志猶國
之有史也三代以降司馬子長倣古記言之體作八書至班孟堅易書爲志魏晉隋唐諸
書皆宗之然則今之志雖具史之一體而慎取舍公是非未嘗不與國史相爲表裏也志
顧不重乎哉南康古嶺北壯邑與先儒講道過化之區自宋濂溪元公爲南安司理維時
明道純公伊川正公侍其父大中公攝倅南安因學於濂溪所謂吟風弄月以歸者實在

茲土至蘇文忠南遷還訪田氏九經堂而賦詩以志懷又聞玉巖先生名而與之遊贈詩題像爲別其遺跡猶有存者且自宋政和迄紹興數科中捷南宮者二十餘人何其盛也故至今處南人文惟康邑尤著云顧惟邑乘久缺而文不足徵一時爲政者未由察其風謠相其土宜觀其氣候周覽其山川經理其疆域考正其貢賦雖欲因地以成化隨俗以致理將何道之從耶予既考閱舊志得其形勝之概間嘗登城四眺見夫二南拱前九日枕後巽流西澤秀峯東峙章江會貢水以北注嶂嶺互崕峒而南屏是其山川必磅礴鬱積溼迴蜿蜒故能固東南之靈氣蓄造物之祕藏而非他邑之可頡頏也士之孕毓秀於其間者恍然於人傑地靈挺自振拔其以爲千百不朽之人而聲流史冊者正自有在也彼夫濂溪姚江諸君子俎豆不祧固矣爲問田處士陽秘閣諸風流猶有存焉者乎念典型之尙存思音徽之永遠蓋不禁爲之低徊流連也今幸世際昇平四境寧謐因之戶口日增風俗日厚氣運日隆文明日起咸沐我國家重熙累洽之仁以臻斯美况值廟學鼎新諸士子應運奮興以躋政和紹興淳熙之盛不又在今日耶則是志之修也洵足爲考古者得失之林將繼今而吏者不患文獻之無徵由是因地以成化隨俗以致理劃井分疆經文緯武按籍而稽易也若夫議輿革酌損益變通隨時經權合宜端有待於後之君子書既成上之學憲董公公曰「可」上之府憲遲公公曰「可」證之諸大夫國人咸

曰可予濫竽典邑職有專責遂授之梓以永其傳同事纂修者予所徵鄰邑永豐明經宋玉朗同相編次者學博程循同與參訂者則有浙郵太學費式僖吳嚳庠士錢頤等例得並書

康熙四十九年庚寅壯月吳嚳申毓來序

第四次重修原序一

己巳冬余以衰老陳牒乞休束裝待命之際越春復有瀨上公行歸過南康去令鄧君蘭來別並捧册告曰承乏尹康六載於茲今言歸有日矣愧職任無可言稱惟念治邑猶家宰邑有志猶掌家有簿家簿不立將田廬眷口衣食吉凶以及饗殮器用一切諸繁瑣末由稽覈况巡管百里保乂黎庶乎用悉心蒐羅訪探耳目聞見歷有年所爰集邑紳士若而人分類纂輯方謀劄吏議忽下落拓行李工料無資僅抱稿就正執事自覺可憐唯執事憐而成吾志語竟欲泪余考南康縣志纂於明嘉靖迨我朝康熙十二年陳君暉重修則云兵燹無稽繼尹申君毓來康熙四十九年續編憾陳志多遺仍取嘉靖本增補是舊志尙有殘斷可搜今去申未遠也鄧侯襄集全書非文獻不足者比獨不解申君爲康賢宰遺政卓卓可紀秩滿日携刊板而去豈重載艱舟抑猶有未能信者恐後人口實耶新令葛君涵淵中名進士也余略參訂原稿授之固以爲東里屬君亦舊令尹之政云爾

嗟乎鄧侯去不忘公情詞可憐奈余匆匆殆踵足矣勿使考工雕人闕記各於數千里外
跂予望之

賜進士出身刑部郎中中憲大夫知南安府事充戊午科內簾監試官古閩游紹安撰

第四次重修原序二

夫縣之有志者記也所以記一邑之建置沿革山川分野農桑學校民情物力政教風俗
令觀者一覽如在目前更或缺焉而不修修焉而不詳抑或因陋就簡探虛忘實自稱博
雅祇成一家言耳於志何與哉是志之不可不修而修之必慎重乎其人也南康古南楚
唐漢以來稱要地自宋迄明多歷年數吾國家定鼎百有餘載其間物換星移天時人事
應載者既不可廢而詳參舊志抄本失次遺闕者更多未備構李葛君由黃甲而宰茲土
遵奉兩江制府通檄興修邑乘而葛君首急斯務未期告成以其所輯南康邑志十九卷
問序於余余披閱一再見其纂葺簡要考核謹嚴摛詞撫事兼綜條貫不愧史才自建邑
以迄今茲天文地輿可稽民風土俗可詳政事文章可採庶後之官於斯者有所稽以求
治生於斯者有所感以成俗則修廢舉墜之功不誠有補於治道有利於生民也哉余樂
觀厥成罔飾固陋特綴數語弁首云

乾隆十七年壬申孟春知南安府事長白寶甯題

第四次重修原序三

或曰邑之有志猶家之有譜譜有大宗小宗志有統志省志郡志縣志統志者大宗也省
志郡志者別子與繼別之宗縣志者則繼禰之宗也或曰志史之流也其事掌於小史外
史二說互參皆見志乘之匪輕余少讀書牖下於禹貢周禮諸書嘗致意焉蓋久矣知志
乘之有自來也歲甲子奉簡命出宰南康南康據豫章上游漢爲南楚吳爲南安晉曰南
康今南康仍前晉也余至其地訪其故事杳不可稽而前賢往哲之流風軼事間有存於
靈巖古洞間急取縣志閱之悉皆民間繕本字多魚豕其闕不可考者固已多矣即欲取
而新之而一官初服所費不貲何能卒辦爲躊躇者久之會屠維大荒落開府徵志之檄
適至而郡伯游使君殷殷屬意爰集邑之師儒老宿語之曰南康秀峯壁立九日稱靈蓉
江蕉水之勝實產賢哲田思孟陽孝本之高風王時習蔡彬張翼劉雙峯輩之才品文章
他如來儀之忠和甫之孝邦鎮正誠用中之宦績其蔚蔚彪炳千古者又未易更僕數也
志乘可不急與諸君子曰諾已而復商於諸君子曰凡事崇則易任分則易成志載事定
各分一則可乎諸君子曰善乃分厥所事問疇司凡例事考僉曰蔡君韶清疇司天文僉
曰蔡君恆繼疇司地輿僉曰李君逢芹賴君元登李君逢邨疇司營建僉曰王君崇暉李
君日講賴君夢閣蔡君新柏王君聘疇司賦役僉曰王君永選疇司職官僉曰賴君蟠疇

司禮樂僉曰儒學張君達僉君蘇疇司選舉僉曰李君逢清疇司祥異僉曰劉君向純至
於詳加考核則余綜其成滙其歸而求潤色於郡伯游使君焉今余奉召入覲行將改調
未遑刊布然幸纂述已定草創已成分野占候天道顯然疆域形勝城垣廟社建置沿革
地理躍然官師學校選舉賦役人物風俗食貨人事昭然上之軍國之典制下之閭閻之
纖細莫不畢具眎昔之殘缺舛謬其相去爲何如耶是固南康之幸而微諸君子之力不
及此余心慰矣可無一言以紀之因不揣荒陋勉綴數語以志余耿耿不忘之意云

第四次重修原序四

今天下聖相承重熙累洽百有餘年暘明昧幽之區道一風同夫何遠邇山川之或間
哉然而宵旰憂勤斟酌損益務使合人情宜土俗者又何其殊塗而同歸也蓋惟仰以觀
於天文俯以察於地理知風氣異宜民生其間異尙必深明夫剛柔燥濕之有偏而後能
致緩急張弛之中節此職方之述與政典並垂而子長孟堅之流誌其山河郡邑人物行
事者代不乏人他若省會州郡以及百里之邑亦各有成書凡所以同民心而出治道者
端有類乎此也江右南康縣爲南安之次邑唐宋以還或分或合沿革不一大都莫盛於
宋代莫衰於明季方其盛也衣冠文物霞蔚雲蒸及其衰也寇盜兵燹獸奔鳥竄即斯邑

之盛衰而政治之升降居可觀已本朝定鼎之初勞來安集人懷故土之思沐浴作新之
化爰居爰處以生以長仁育義正涵濡於百年之間迄於今士也橫經農也負耒商賈百
工各安其業豈復有歎鴻雁而嗟星罽者乎歲在己巳冬杪余承乏斯邑檢閱舊志思舉
夫人情土俗之所係因勢而利導之迨時至事興於催科則見夫惟正之供已薄其稅歛
焉果若何而使不後國課不傷民力以安上而全下乎於訟獄則見夫一戍之法已極於
明允焉果若何而使克遵成憲無忝協中即革面而洗心乎於較士則見夫菁莪棫樸選
不作人說禮樂而敦詩書徵文考行果若何而不爽衡鑒乎於編丁則見夫休養生息民
惟邦本勤作息而慎術業厚生正德果若何而不負撫字乎且於是志之屢修而見田疇
日以闢戶口日以增才俊日以茂行習日以正又能何而致陰陽和風雨時俯仰足仁讓
興而無一夫之不獲乎方恐恐焉徒有循分供職之名初無承流宣化之實而深愧此志
之警於前也古云無於冰鑒當於民鑒志之時義大矣哉今郡伯寶公蒞任教養有加士
習民風蒸蒸日上因念邑乘有關治道每進淳而訓諭使速成之淳承斯命不敢怠緩見
夫志之修已閱歲年其當續爲搜輯者未易更僕數前令鄧君旁徵博採屬稿已定前太
守游公銜類折衷潤色有加業彬彬乎質其有文矣乃因其未竟之緒爲之編次旋集衆
力而鐫之其祝舊製即不敢謂變本而加厲亦庶幾繼長而增高余既得從諸君子後而

觀其成且俟後之官斯土釋斯志者藉以觀物察理因地制宜咸仰副聖天子之久道而化成即天下以驗之一邑即一邑以通之天下而謂斯志之未始無資於是也是則余之厚幸也夫是則余之厚望也夫
賜進士出身知南康縣事庚午科文武鄉試同考官秀水葛淳撰

第五次重修原序一

南康爲南郡之一隅爲江省之下邑彙各直省而觀實爲山陬僻壤區耳惟志之所繫重且要者何也余向職詞館攝圖史總修其續修一統志經數年不成一帙惟各直省志不備省志不備緣府志不完府志不完惟各縣志缺如也余於壬午春奉命守南郡下車伊始即收拾府志殘版諄囑四邑續輯縣志嗣南昌前守賀耦耕觀察請發修志規條適康前令林寅白因公寄省及旋任被刊後署令劉君繩武甫任爲已事以信相招以禮爲羅於是閩邑紳士踴躍急公或任一門或輯數款自乾隆壬申迄道光壬午上下七十年間其疆域之錯壤山川之奠麗人文之蔚起物產之豐饒無不旁搜博採考獻徵文條分理析分門別類釐然不紊章章可考如是余以爲志之所繫豈徒在侈舊壤騁古蹟颺美盛竝新奇煇耀閭里光照志乘云哉維其始何以盛繼何以微人文何以興風俗何以美使觀覽者忱於目而惕於心惕於心而踐諸實事也昔宓子宰單父事五人兄事十人魯於

是稱多君子逮漢之郭泰陳蕃皆稱循吏又何說耶語云前事不忘後事之師史云得失之林所以自鏡仔肩斯任當何如其位置之若斯志之成也上可以備國史之採摭下可以備後來之觀法雖一志之邑所關者豈鮮淺哉諸紳士急公歲事將付剞劂問序於余聊綴數語以爲後之君子正焉時道光昭陽協洽辜月上澣

賜進士出身翰林院編修文淵閣校理咸安宮總裁國史館纂修庶常館提調奏辦院事南安府知府三韓銘惠禹民氏撰

第五次重修原序二

邑乘之不可缺也豈徒具一邦文獻聊供覘記云爾哉上以備輜軒之採下以立官師之程且俾士食舊德農服先疇莫不仰體朝廷恩意咸懷忠良克自樹立以輝映後先所關非淺鮮也南康據豫章上游二南九日山挺其奇峯永桃江川環其秀地靈人傑爲昔賢過化之區其流傳不朽者夥矣况自明季兵燹後幾經安集撫綏漸仁摩義涵濡於百數十年之久民物滋豐人文蔚起更不容缺略不傳顧有明嘉靖間之志旣烟燼灰飛我朝康熙間之志復編殘簡斷惟乾隆十八年前邑令葛君淳所修者可稱完書然迄今上下又七十餘年矣物換星移英鍾秀毓雲蒸霞蔚必當有繼長而增高者憶嘉慶庚辰秋繩權纂斯邑已慨然有續修之志瓜期迫促弗逮也道光癸未復署理來南甫下車適大憲

徵志之檄至因與邑之師儒耆宿謀僉曰是役也前任林君寅白始其事而未果旋卸篆去君諄諄於此吾儕亦與有責焉於是踴躍從事爰茲盛舉繩捐廉以爲之倡而都人士尤好義樂輸遂諏吉開局得舊志爲底本而補其闕其訛正其體例清公地而無使侵踰核義租而務求實落其增入者聞見必真考據必確無遺無濫以期信而有徵時則有任纂修者有分修者有採訪者相與贊襄其事繩謫陋無能爲役竊從案牘餘暇與兩廣文彭君志熙周君學坡共爲商確以觀厥成自夏徂秋閱四月而稿定舉凡天文地理風土民物靡不一覽周知而忠孝節義之出類超羣與夫文章技藝之難能可貴者尤亟登之以爲世勸庶幾之宰斯土者可披覽而因地制宜隨俗布化以仰副聖天子設官爲民之意居斯土者亦觀感而砥行礪節訓俗型方以共彰我國家同風一道之休將發山川之光而增簡冊之色者方與未艾也即以是書卜之

禮部進士江西壬午科同考試官知南康縣事灌陽劉繩武撰

第五次重修原序三

志之名肇於漢班固魏晉而後郡國各有志書揆其意義豈徒誌山川之秀麗人物之都美與夫城池寺觀古蹟之廢興沿革已哉其必將舉人心風俗之淳澆士行學術之邪正忠孝節義之有無以及閭閻一切利弊之興除與否皆有以講明而切究之而後志書之

修可傳於不朽嘉慶己卯春余選授康邑旋引疾未赴閱四秋仍宰茲土既抵省謁程大中丞諄諄囑以教養爲急務心爲佩服者久之孟秋蒞任甫入境見其士食舊德農服先疇時和年豐爲之色喜迨下車後又見差務絡繹訟獄繁興緝捕無方催徵乏術始悵然惕然而自愧才力之不逮也於是中夜以思捫心自問曰人心風俗何以治之士行學術何以率之忠孝節義何以勸之法何以因時因地而制之于此不講勒名縣志百世下將以余爲何興利除弊正本清源之如有司乎茲因大憲檄修邑乘邑紳首事向余索序頓觸鄙衷不禁言之瑣瑣也攷康邑漢曰南楚至晉始名南康據江右上游爲嶺北巨邑有宋濂溪先生爲南安司理講道於此明道伊川二夫子侍父大中公攝倅南安從濂溪受學故其時教化廣被人文之盛民俗之淳莫逾於宋惜舊志明以前無攷惟嘉靖乙卯國朝自康熙癸丑庚寅迄乾隆十八年相沿續輯未經磨滅其間民風物產水利賦役人品節孝武事藝文諸目井井有條足以徵前邑宰之資能而益形余之拙於政治爰於簿書暇日蒐羅舊籍景仰前哲並仰體大中丞教養之訓爲撮其大旨弁敘語於簡端若夫星野疆城氣候災祥選舉職官津梁邱墓蓉江蕉水之勝獨秀九日之奇禽水禽山浮石實石之異同事諸君子均稱博雅必能旁搜遠紹校正豕魚余雖謏陋不文亦願從君子之後而參以末議克觀厥成焉則幸甚

道光三年九月賜進士出身南康縣知縣光山王雅南撰

第五次重修原序四

國之有史羅一代之典章禮樂政教治亂興衰以爲後世法戒者也邑之有志亦然自天文地輿以及人物政俗罔不悉備紀往即以鑒來視都知野視野知國其義一也康邑之志始於明至國朝康熙癸丑庚寅兩加修輯然簡編缺失不可考惟乾隆十八年癸酉邑宰葛公淳復率合邑重修其書猶存稱完善迄今七十載矣道光二年壬午欽奉上諭命儒臣修天下一統志旋奉撫憲檄飭州縣各修志送省纂修通志邑侯灌陽劉公西陽王公先後倡率勤諭諄諄都人士爰集同事共襄盛舉往蹟仍乎前繼起登於後悉由前人舊章未嘗更革閱半載重鐫告竣夫天下之大一邑之所積也康雖嶺南一僻壤然地日物阜則養可以裕俗樸風淳則教可以興唐以前無籍可徵自宋以來學校肆修人文腴起其間忠義之士節烈之賢蓋有卓卓可紀者分之爲一邑之志合之備一代之史所關非淺鮮也或謂時有變遷則文有損益一仍舊志可乎然古今文體不同闕道之文論斷各出紀事之文則不可以臆度班孟堅之漢書前半則本龍門史記朱紫陽之綱目全編則錄涑水通鑑國史如斯况於邑乘前哲尙爾矧我後人自揣學淺識隘未必能希先輩胡爲擅作聰明違事更張爲耶且志乘不在文在事核辭真使人一覽周知其傑出者觀

兵農典禮之皆備名宦政蹟之晉存慨然有志於邦國謹愿者觀鄉賢碩德懿行及政事文章亦有勃然奮興之意而官斯邑者覽風土人情酌因革損益之宜得興利除害之方是皆志之有裨於來茲者豈徒區區飾詞藻誇文采之絢爛已哉書既成爰述續修之由於是乎書

乾隆乙卯進士前任江蘇沛縣知縣署高郵州知州邑人賴相棟識

第六次重修原序

宋富鄭公曰凡車馬充斥之途其俗習近靡麗而人性多開敏康劇邑也上下乎江廣襟帶乎閩楚蔚然東南大都會同治戊辰余視事茲土披尋舊志見夫山川險易風俗盛衰與夫宋元以來數百年忠孝節義政事文章炳炳焉聞其風者百世下猶將興起焉歲辛未省垣下修志檄迺與邑紳士開局將事閱一載而功成余惟志者識也其不惟備物產記土俗之謂蓋有人所已爲而後人踵其美者亦有前人未嘗爲而後人會其難者咸豐之初康邑土匪蜂起嗣復勾連髮逆疊肆攻擾當是時下游數十州縣半淪於賊獨康以孤立無援之區屹然堅守而勿失豈司土者獨勝其任與則搢紳士夫與夫匹夫匹婦深明大義涵濡於國家之深仁厚澤者迄今大書特書即一事而已較舊志爲有光矣又安知後數十年重修斯志而人文之蔚起民俗之敦厚不更爲東南諸巨邑之冠冕哉余竊

鈍無似數載於茲絕無一善足以及物素餐有餘愧矣迺諸君子以余將遠行屬新志序則余之抱疚於心者又將何日補哉是役也邑中高才博學延局襄事者既備列簡端而綜理捐資鉅板始終其事則廖紳開昱賴紳恆葉之力爲多集筆墨之大成刪蕪繁錄實事而有體要告厥成功者則塘江孝廉盧仲椒先生之力也例得特書
賜進士出身在任候選知府知南康縣事吳縣沈恩華撰

南康縣志跋

邑之有志山川形勝要衝阻險其一定也城郭疆城道塗溝瀆或數十百世而間易矣至於人事之廢興政治之權宜制法之因革民物之變遷風俗之推移則又隨時而異焉若夫地當四達之衝邑小而衝兵寇易被土著多雜尤難如奧區天府多數千年不壞之族根蟠土結依古爲風其爲記載所爲輕重有宜詳略合體義約而不支事括而不漏者如疆域道塗要害阻險其有古來兵燹焚掠劫擄之處務宜明晰詳盡考據原委徧歷而不遺也民風土習禮教制度土物生產則宜略古而詳今戶口村落必使某者而知爲招徠新集之名某者而辨爲土著舊族至如沿革廢興人物選舉以及軼事遺文名儒大賢之所流寓則必搜羅稽攷而有據不然寧缺無備斷不以妄臆而全其名目甯嚴無濫斷不以附會而飾其光華錄實紀信庶幾展卷瞭然閱版圖而知地勢睹記載而知民情百

里之內情形事變舉不出此雖然邑之所繫莫要於志而志之參核攷訂感時撫事記載不遺尤恃乎邑有掌故之人前忘後續而後之任纂修之職者乃得免荒鄙掛漏之譏苟掌故之人不常有有之而子孫或不知愛惜其文坐令蠹蝕於荒塵敝篋之中其間又無好古之人從而採集之甚且燬於兵燹寇亂俾使斷簡殘文杳不可睹即有攷古之士有心採備又將何所依據乎如南康人文莫盛於宋中如田大隱陽玉巖諸君子皆一代之名賢豈無紀錄刊輯成書以備後人之採擇至欲求所爲大隱居士玉等巖集皆渺若風烟是故康之爲邑始自漢高帝五年而邑之有志直至明嘉靖三十二年郡推洗公始請邑進士劉雙峯蒐羅已事檢校遺文編輯成書當是時雙峯以本邑人修本邑志而且旣成進士間居於家爲力旣暇時亦不迫分名載事最號詳明然而觀其自叙採擇所資大率新舊郡乘爲多是可慨已至我國家興運以來留心文治檄取天下郡縣志書康熙十三年邑志一修于邑侯陳公四十九年再修于邑侯申公然而陳志僅得殘編每多遺漏今所纂輯一主申志顧其時掌修之賢率皆他邦外邑之人邑中縱有老成先輩遺書子孫稍不知呈閱當事亦不復留心採訪惟期急速竣事計月成書如國初兵燹之擾金玉之亂王美丁先生記載頗詳今攷其文陳志固多遺漏申志亦少蒐羅是有可驗也今逢我皇上聖以繼聖勅諭天下纂修邑乘是康邑百有餘年間志凡三修時旣不遠父老多

存又值太平景運之秋漸仁濡澤不遭亂雜凡夫一民一物一情一事皆在人耳目確有可據豈復湮沒淪替之患今恭奉寶太守督率明勵葛邑侯嚴立凡例精明採擇邑逸之事遺文片長寸善皆收入簡編是亦周太史採風問俗備錄歌謠以觀德化之日乎民生其間何厚幸也生等備材陋質闇昧寡能兩大人不棄樗櫟俾生等再覈編次輯爲完書生等謂有先後志書可攷若夫輿評物論邑尙有老成人末學小子何敢擬越于其間顧雍正九年新戶入籍招徠墾闢逮今土著之民漸居其少外來耕種之民日居其多雖其民力雍容深耕易耨所附之民固皆安居樂業然而貧弱無依去來不常者亦所時有惟恃上之人撫摩矜恤教誨勤劬俾之仁讓成風優游德澤日臻上治則繼此而增修美備不愈足爲志乘之光哉生等之芻蕘一得或足爲當事獻者此也維同時爲事者則候選州同知商永宦而較訂則壯年茂學陽永棠賴恆詠因併書之乾隆十八年歲次癸酉七月既望後學邑人李逢邵王聘恭仝謹跋

南康縣志跋

韓昌黎昔入史館謂爲人鬼怨府不敢司筆柳州厚非之良允夫郡邑有志猶國有史也等爲紀事書國則史之郡邑志之二其名一其義也然吏備一朝掌故日星雷雨之災祥

疆域山川之向背人民戶口之盛衰草木昆蟲之順怪以及賢佞忠奸所爲隆替興衰之行之故臨以天子之尊貴而重以史職之修明必詳必信何忌何疑不能盡爲尊者親者諱也怨之有也容或然也若夫志而邑焉縱橫不過百里之疆索事變不過百年之滄桑士大夫芳蹤徽躅匹夫婦幽節庸行不過姻婭交遊所傳述既近而有徵亦考而易確筆之爲書則又有勸而無懲惟予而不奪毋亦庶幾乎怨是用希然或者採訪不必其皆賢憚搜羅徇情賄事則難言矣而司筆者抑或不能平其恩怨愛憎之私詳其所謂尊以親而未賢也者略其所非尊以親而皆曰賢也者詳略之間千秋萬目其人其世告泣無聲則信乎人鬼胥之怨說不必盡在國史之修也有賢者鑿斯二弊而戒之而其文猶或不足信今以傳後執己者局於識徇人者隘于私惜墨者艱于達愛博者病于浮長才者短于質富典者貧于確否則確議論而弱于簡練也逞考據而絀于精詳也喜更張而乖于體制也薄古人而傷于敦厚也南豐曾氏有言非善道德能文章者不能也操斯筆者憂乎難哉今上戊辰紀年明府沈公恩華以古吳進士侯南康越三載庚午報政成集紳謀修邑乘奉憲檄也舉邑孝廉鼎响盧君襄纂述事不才亦謬膺聘焉余惟昔朱子所至輒下車著志書是急蓋欲以得民痛癢疾苦而爬搔之譬諸明醫欲洞陰陽虛實之辨五方之宜得之心急載之書俾瘵疾有瘳此朱子深意也侯果心朱子之心耶則繼侯而侯者

賴知田野之荒瘠則勸以治之知戶口之凋耗則養以富之知盜賊之充斥則戢以靖之知民風士習之澆漓則培以厚之侯之有造于時邦不良鉅哉用敢獻其一得之愚勸輯成書爲圖十有一附目二十有九曰星野曰疆域曰山水曰沿革曰古蹟曰學校曰壇廟曰人物曰選舉曰秩官曰兵制曰藝文則鼎峒盧先生實窮累月討論之功詳雅一改前觀曰城池曰水利曰物產曰公署曰寺觀曰津梁曰風俗曰封爵曰名宦曰寓賢曰武事曰倉儲曰祥異曰雜誌則不方才謬持管見與爲序次者曰列女孝廉劉君雲錦之初稿邑訓導熊君聯株增輯而筆定者也曰壯愍編義士烈婦名氏之詳明則孝廉安丙陳君之賢勞而侯所名也始事于庚午仲冬藏稿于辛未秋斯役也采用省郡邑志十有七部史說記集三百餘種事增舊什之三文仍半舊之什有過詳無故略有偏厚無任私恐恐然皆惟韓子人鬼怨怒是思焉夫韓子以八代起衰之賢且與當代名公從容史館猶惴惴焉質而自疑則甚矣述作之難也矧在謙陋菲才迫之期限既渺蘭臺祕籍足資稽攷不過與一二宿學老成人刻日程能快然幸有以賢侯以茂學雄才上主其政而又塵以案牘之勞勞慎官防嚴請謁會未假以公餘細論俾得長指塔前尺寸之地一聞所謂人物權衡文章司命之教言而受事士戒非公懼援上又無敢長指塔前尺寸之地乞假公餘細論一請所謂人物權衡文章司命之教言惟謹遵侯凡例懷侯剖諭揣侯意旨呈侯

可否窮知竭能急急然惟求速登瓊梨是務朝屬一稿焉箚氏善刀而催暮脫一稿焉雕人鏤板以告字落如山錯成鐵皆文之不足信今以傳後夫何待言至世所謂諛詞曲筆無實不祥之私奉侯之侯既則明洞其無罪固有質諸人鬼而可自信者若夫文字爲鬼神所忌以余小子侈然先諸老成人謬述一邦之文獻鬼神所深忌也則韓子所謂怨焉者其在是乎其在是乎余小子誠無所逃罪也已因事竣鼎峒盧先生授意余小子屬爲跋之維時總司修政廖封君開昱會刻計資賴貢生恆藻校勘孝廉安丙陳君分校教職昌轍盧君毅方君清泉卓君汝霖王君校字增生昌謙張君書錄從九鍾祿銓儒童李德輝陽善椿例得與書邑後學張偉奇謹跋

南康縣志歷修職名表

時 代 職 務 履 歷 籍 貫 姓 名

明嘉靖三十二年

鑒

定

南安府推官

洗沂

洗沂

鑒

定

南康縣知縣

邑人

曾迪

纂

修

戊戌科進士

邑人

劉昭文

纂

輯

生員

邑人

賴資錦

纂

輯

生員

邑人

陽曜

纂

輯

生員

邑人

吳學夔

纂

輯

生員

邑人

奚元吉

鑒

定

南安府知府

三韓

郭日貢

清康熙十三年

纂

修

南康縣知縣

閩中

陳暉

纂

輯

歲貢生

邑人

王家珙

纂

輯

歲貢生

邑人

王家珙

康熙四十九年

鑒

定

南安府知府

廣寧

遲維璽

較

訂

邑人

賴士雋

掌 協 纂 較 纂 纂

修 修 修 訂 輯 輯

南康縣知縣 南康縣教諭 南康縣訓導 南康縣巡檢 貢子生 國子生 附生 乙酉科舉人 戊子科舉人 歲貢生

吳嘯 永豐 鄞縣 嘉定 邑人 邑人 邑人

申毓來 程 衛 梅慰杜 董子音 宋玉朗 費式僖 錢 頤 林必儀 黃 瑋 李應秀 陽學易 謝希安 王廷芾 李文芳

生 生 生 生 生 生 生 生 生 生 員 員 員 員 員 員 員 員 員 員

郭民鉉 郭建勳 郭良工 蔡國藻 蔡 鯨 陽榮琳 陽之驥 王宜潤 蔡國觀 李用梅 王尙三 王宏璧

清乾隆十八年

鑒

定

南安府知府

古閩

游紹安

掌

修

南康縣知縣

桂林

鄧蘭

分

修

南康縣教諭

秀水

葛淳

南康縣訓導

張達

南康縣訓導

俞蘇

纂

輯

生

員

邑人

王夢簡

袁為標

王永選

朱文鳳

黃成勳

賴萬庠

李上晋

寶甯

纂

輯

生

員

邑人

盧之驥

周冕

王崇幹

賴士煒

王時中

郭良梓

王日澤

蔡于謙

吳肇之

郭新銘

李之芹

蔡志霖

林作樑

盧大川

纂修
採訪兼纂輯

原 生

邑人

陳之蘭

壬戌科進士

蔡韶清

壬子科舉人

王永選

丙辰科舉人

邑人

蔡峻

戊午科舉人

王崇暉

癸酉科舉人

李逢清

武 舉

李日講

副 貢

盧 琴

拔 貢

賴 蟠

恩 貢

李逢芹

歲 貢

賴元登

恩 貢

李逢邵

歲 貢

李文蓮

採訪兼纂輯

歲

貢

邑人

王濟時

王 聘

朱文淵

賴建柏

盧大楫

蔡新柏

謝恩薦

郭宏謨

盧大濬

幸國謨

明起蛟

李日份

林枝秀

廩

生

採訪兼纂輯

廩 附 增

生 生 生

邑人

李同松

劉向純

朱時峻

賴夢閣

蔡登

賴萬錦

王宣貴

王世裱

李日諭

劉忠昇

商永官

葉翹

賴雲臺

蔡新楷

採訪兼纂輯

國

學

邑人

朱錫衍

朱高蘭

曹顯邦

賴恆堯

何嘉深

許廷標

朱紹熹

陽永棠

賴恆詠

銘 應

劉繩武

王雅南

彭志熙

道光三年

校

字

儒

童

鑒

定

南安府知府

三韓

掌

修

南康縣知縣

灌陽

協

修

南康縣知縣

光山

協

修

南康縣教諭

南康縣訓導

周學坡

鑒修

國子監學正

邑人

盧鎮茂

纂修

萬安學訓導

李日偉

謝學任

分修兼採訪

附貢生

謝相棟

謝振鏞

乙卯科進士

丁卯科舉人

洪翰

王宣珏

歲貢

廩生

洪瑄

盧洪廩

附生

廩生

鍾辰

李秉鈞

增生

廩生

李日寬

李高鷄

廩生

廩生

蕭有蘭

周玉

分修兼採訪

廩生

邑人

盧承澤

彙輯兼採訪

辛巳科舉人

謝振幾

李日賓

拔貢

賴恆倬

董建輝

增貢

廖鎮三

盧洪恂

武舉

盧洪造

盧才元

歲貢

李日瓊

王國蘭

廩膳

熊藻

熊藻

彙輯兼採訪

廩

膳

邑人

李同祥

藍啟瓊

張煥

李宗詰

何日新

劉元綱

陽東

郭肇淇

林正椿

王綸衢

朱琴

葉逢春

商啟旭

朱世繹

增

生

附

生

彙輯兼採訪

附

生

邑人

明一輪

虛元佩

張攀桂

賴佩蘭

虛俊瑤

鄧家誥

范萬琳

謝振模

鍾傳遠

虛掄元

幸廷桂

李日宗

賴封

蔡元亨

校

字

附廩

生

從

九

銜

國

學

生

附

貢

清同治十一年

書

錄

儒

童

邑人

李同遂

鑒

定

兵

備

道

吳縣

吳奉廷

掌

修

南

安

府

知

楊錚

協

修

南

康

縣

教

沈恩華

南

康

縣

教

曾秀翹

南

康

縣

訓

文化成

南

康

縣

訓

熊聯珠

癸

卯

科

舉

楊懋昭

候

選

教

諭

盧鼎岫

拔

貢

張偉奇

己

酉

科

舉

賴封

壬

戌

科

舉

劉雲錦

己

未

科

舉

陳安丙

甲

子

科

舉

蕭詠春

甲

子

科

舉

劉致中

丁

卯

科

舉

盧鼎智

即

選

知

縣

張增立

候

選

訓

導

廖開昱

候

選

訓

導

賴恆漢

候

選

教

諭

方穀

廩

生

卓清泉

拔

貢

王汝霖

拔

貢

李驥麟

歲

貢

賴益焜

孝

廉

方

正

盧昌笏

彙輯兼採訪

分校

總司修政

分修

彙輯兼採訪

高安縣教諭

邑人

李高駿

恩貢

吳克修

歲貢

董法清

歲貢

謝世彰

附生

黃仁松

附生

熊學雍

附生

明光國

附生

吳錦標

附生

黃毓芬

附生

蔡以焜

附生

藍運昌

附生

曾見輝

歲貢

藍祥齡

戶部員外郎

郭炳烜

彙輯兼採訪

貢生

邑人

謝世緒

五品銜

謝光游

附監生

王道平

州同銜

譚瑞祥

同知銜

明瞻雲

候選巡檢

劉開慈

干總銜

朱煥章

候選監貢

郭勝昌

附貢

張桂榮

附貢

廖允端

附貢

廖際庭

附貢

曹宗瑞

附貢

藍奉璋

監貢生

劉受亭

彙輯兼採訪

廩

生

邑人

歐陽昇

賴雅銛

蕭其恢

康炳榮

曾永琳

李謙光

曾克明

何謙

郭人俊

廖志陞

林爾定

李沛霖

朱雲鵬

鄧逢吉

增

生

附

生

彙輯兼採訪

附

生

邑人

鍾元亨

陳祖彝

陳守堅

戴文安

陽春藻

黃金

謝佐龍

吳相昆

劉振陽

邱杏林

張兆麟

方肇芹

周占先

張昌謙

附

生

廩

生

國

生

學

校

字

增

生



書錄五品銜邑人鍾祿銓

儒童 儒童 李德輝 陽善椿

南康縣志第一編卷一地理志

星野

周禮保章氏以星土辨九州之地所封封域皆有分星注曰鄭司農說星土以春秋傳曰參爲晉星商主大火國語曰歲之所在則我有周之分野之屬是也某謂大界則曰九州州中諸國中之封域於星亦有分焉其書亡矣堪輿雖有郡國所入度非古數也今其存可言者十二次之分也疏曰吳越在南齊魯在東今歲星或北或西不依國地所在者此古之受封之日歲星所在之辰國屬焉故也吳越二國同次者亦謂同年度受封故同次也賈說無稽孔穎達春秋正義已闢其謬曰周禮雖云皆有分星不知其分孰分之也可稱卓識矣南康縣隸豫章晉書謂豫章入斗十度而新唐書宋史謂屬牽牛之分江西志論則謂南昌入斗八度贛州十二度南安四度每天一度計地二百五十里康邑距省會九百里有奇贛八十里府一百四十里不應天度如此懸遠並錄之以俟知者

吳地斗分壘也今之會稽九江丹陽豫章廬陵廣陵六安臨淮郡盡吳分也漢書地理志

星紀吳越也鄭康周禮注
按蔡邕月令章句自斗六度至須女二度謂之星紀之次

自南斗十二度至須女七度爲星紀於辰在丑吳越分野屬揚州豫章入斗十度晉書天文志
 斗牽牛星紀也初斗九度中斗二十四度終女四度自廬江九江負淮水南盡臨淮廣

陵至於東海又逾南河得漢丹陽會稽豫章西濱彭蠡南涉越州迄蒼梧南海逾嶺表自韶廣以西珠崖以東爲星紀之分南斗在雲漢下流當海淮間爲吳分牽牛去南河寢遠自豫章迄會稽南逾嶺徼爲越分新唐書天文志

江南東西路蓋禹貢揚州之域當牽牛須女之分東限七閩西略夏口南抵大庾北際大江宋史地理志

南安禹貢揚州之域星紀斗分明清類天文南安天文斗分野明一統志斗六星二十五度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度江西志論

氣候

南康在春秋屬吳故氣候於江南爲近舊志每歲正月雨水以後陰霾日多晴霽日少俗云春無三日晴府志間有霜雪氣候不減隆冬舊志季春雨輒雷電時有烈風府志春夏之交淫雨動經浹旬府志四月梅雨蒸溽俗稱爛梅天亦作罽地甄石礎皆潤夏至後少雨俗云夏雨不過籬府志嶺南人呼過雲雨爲天笑六月多有康邑亦呼過雲雨日出而雨則生蟲三冬多晴峰蝶出游草木小有萌蘖舊志冬或久晴桃李花開不爲異春夏晴則暖雨則寒溫冷不常五月寒始退俗云不食端午糗寒衣不敢送芒種以後日迫於暑三伏炎酷入秋彌

烈俗云秋老虎府志白露後逢已俗謂占甲天或謂蒹葭之誤九月始涼俗云不食重陽糕夏衣不打包十月微有霜府志三冬積數霜至一旬餘或二旬民喜預卜有年三冬不甚寒霜霰歲或一二作池水有凝凍者得日隨解府志地無周時之風或發於凌晨迨昏而止或發於午後來朝則止春東風雨夏北風雨秋南風雨冬東風雪郡志云瘴厲山谷有之南康地勢敞闊無山嵐故鮮瘴厲視郡屬之他邑有間云

疆域

南楚漢始建邑統今大庾南康上猶崇義信豐龍南六縣地厥後廢置不常或析南楚置南安或南寧南康並設或省南楚入南康朝代蔡蕪幅員滄變則猶未有畫壤也宋淳化初分南康大庾上猶三縣別置南安軍明正德間析尚隆崇德至坪三里隸崇義雖犬牙相錯而鼇首鱗分廣輪之數可按籍而稽也

南康地方縱長而橫縮廣一百一十里袤二百四十里東東南東北界贛縣南界信豐縣西南界信豐縣大庾縣西界崇義縣西北界上猶縣崇義縣北界遂川縣舊名（龍泉縣）萬安縣

- 一、東陸大路自縣東門五里至東華山五里至金鷄嶺五里至星馳鋪五里至李家山十里至樟橋五里至潭口鋪十五里至五家嶺共五十里與贛縣交界
- 一、東南陸小路自縣東門過藍田渡十里至羊子坑十里至分水坳十里至清田坊十

里至上章嶺共四十里與贛縣交界自清田坊左行十五里至黃沙嶺與贛縣交界
一、東北陸小路自縣東門過芒東巷渡五里至東山局分路行十里至樟木嶺十里至邱邊渡十里至范塘十里至爛泥橋十里至劉壩五里至鳳岡墟十里至壠前溪十里至石龍頭五里至坳頭共八十五里與贛縣交界由鳳岡墟分路行五里至鷄公嶺十里至虎嘯嶺與贛縣交界

一、南陸路自縣南門過渡十里至五馬歸槽十里至石子洲十里至黃泥巷十里至龍迴墟十里至嶠嶺共五十里與信豐縣交界

一、西南陸大路自縣西門由西華山十里至古鎮鋪十里至伏潭鋪十里至賢女鋪十里至青泥鋪十里至分水洲共五十里與大庾縣交界

一、西南陸小路自縣南門過渡五里至窰頭上十五里至壩尾五里至踞口十三里至高洲五里至鍋窖墟十里至石塘攷由石塘攷右行十里至龍潭面十里至大洲裏五里至龍華山共七十八里與大庾縣交界由石塘攷左行二十里至竹篙嶺十里至蓮花塢與信豐縣交界

一、西陸路自縣西門由西華山分路十五里至石子灘五里至寨裏十里至赤土墟十里至樟樹下十里至神背坑十里至紅桃嶺共六十里與崇義縣交界由赤土墟東南行十里至石門十里至風門坳與大庾縣交界

一、西陸小路自縣西門十里至長嶺頭十里至長塘十里至蔡坑五里至下角嶺共三十五里與崇義縣交界

一、西北陸路自縣西門五里至安舒橋五里至葉坑十里至葡萄樹下十里至朱枋鋪十里至塘舖二十里至鼓樓坳共六十里與上猶縣交界

一、北陸路自縣北門五里至下馬石五里至城埠十里至蝦荷橋今云婆橋十里至爛泥塢十里至塘江十里至老橋頭十里至竹下十里至荷子頭十里至十八塘十五里至麻桑十里至刀子石甲十里至橫石井由橫石井北東行十里至南良水口五里至橋莊五里至大坪五里至陽團十里至東村五里至小源五里至社溪塘共一百六十五里與萬安縣交界由小源分路行十里至巾子石五里至邱坊與遂川縣交界由橫石井西北行十里至沙場嶺十里至土橋十里至山東坳十里至大路坪十里至逕口分水坳十五里至瑞坑五里至黃土關共一百九十里與遂川縣交界由橫石井分路行十五里至龍口與崇義縣交界

一、北陸路自縣北門四十里至塘江由塘江分路過月下橋五里至風車坳十里至巖子前五里至土橋灣十里至馬尾坑五里至樓下十里至烏溪十里至佛凹十三里至浮竹墟下五里至大坵二里至心田尾共七十五里與贛縣交界

按馬尾坑樓下係本府崇義縣轄地明正德十三年王文成平牽寇割大庾南康上猶三縣地立崇義縣析康邑尚隆崇德二里今名尚德里孤懸一隅又橫石井以北迤西一帶中隔上猶縣距崇邑一百六十里其在康邑壤中者則有官溪馬尾坑樓下諸村俗名挖補裡離編戶尚德里環居皆康邑沙溪堡不接尚隆里也當日建設新縣湊泊相成其分析增補之故不可得而詳也

- 一、北陸路自縣北門四十里至塘江由塘江分路往西北行十里至白竹背五里至長塘尾五里至樓仔下五里至田心裏五里至陳坊五里至藥塘五里至麻園排五里至薯坑十里至下埠三里至紅嶺上共五十八里與上猶縣交界
- 一、陸路由塘江往東行十里至齊溪口五里至鳳岡墟五里至朱村十里至馬脚計三十里與贛縣交界自塘江往西行十里至幸村五里至油籬灘渡十里至橋頭墟十五里至小回嶺百步墩共四十里與上猶縣交界
- 一、水路自縣南關外往上二十里至高車塘二十里至賢女塘二十里至鍋坑塘二十里至下馬石與大庾縣交界自縣南關外往下二十里至簷前嶺塘二十里至洋江澚塘二十里至九牛塘二十里至楓樹塘二十里至三江口塘十里至兜坑塘與贛縣交界一自塘江往上十里至石塘十五里至油籬灘十里至榭巷口十五里至老鼠嘴十里至百步墩與上猶縣交界自塘江往下十里至齊溪口五里至打鐵灘十里至三江口會章水

沿革

南康本漢灌嬰所置南壘縣也秦初為九江郡漢初屬豫章郡後或隸淮南或隸吳吳平乃復為豫章郡東漢分隸廬陵孫吳析南壘置南安屬南部都尉晉改南安曰南康而以南壘隸廬陵郡南康屬南康郡隋省南壘入南康隸虔州而析南康立大庾鎮唐初分設南安縣即今之信豐也大庾設於神龍上猶析於保大宋置南安軍於大庾康邑自始虔州來隸有明中葉新設崇義復割至平半里尚隆崇德二里以益之邑雖古治而南壘南康時屬疆里所屬代有沿革茲詳著於表列如左

秦

始皇二十三年	九江郡	史記秦始皇二十三年分天下為三十六郡注九江郡其一也
--------	-----	--------------------------

始皇三十三年	南壘	淮南子秦始皇利越之犀角象齒翡翠珠璣乃使尉屠睢發卒五萬為五軍一軍塞鐘城之嶺一軍守九嶷之塞一軍處番禺之鄉一軍守南壘之界一軍結
--------	----	--

漢

高祖五年

高祖六年

高祖十二年

淮南

淮南

史記高祖十一年春英布反十二年十月誅英布始封兄子為吳王太子長地為淮南王二國盡有揚州之

九江郡

漢書顏陰侯灌嬰渡江定豫章郡按武甯志云白志引漢書顏陰侯灌嬰渡江定豫章然史記此高祖五年使人入九江得數縣此時尚沿九江舊名

豫章

史記是年高祖封英布為淮南王悉有九江廣江衛山豫章之地豫章之名始此

豫章郡

時豫章領縣十八即南昌廬陵彭澤鄱陽歷陵餘下柴桑艾新淦南城建成宜春零都鄱陽南野安平贛海昏

景帝七年

元封五年

揚州部刺史

史武帝元封五年置揚州部刺史治丹陽九江豫章廬江會稽五郡又六安一國

豫章郡

是年始置豫章郡按武甯志云史記高祖封英布為淮南王已有豫章郡之名而傳載景帝七年始置郡蓋高祖時但有郡之空名至高祖十一年英布反景帝七年吳王濞以治之周亞夫景帝後乃置郡也豫章郡建郡當以景帝七年為始

南壘

南壘

後漢

揚州部刺史

豫章郡

後漢書地理志揚州刺史部豫章郡領二十一城廬陵南陽南野南城鄱陽歷陵贛國平都侯國故安平石陽

南壘

餘于之水南壘之名始此

唐

武德五年

洪州總管府

虔州

改南康郡為虔州

南康

貞觀元年

江南道

分天下為十道虔州隸江南道

虔州

南康

永淳元年

江南道

虔州

南康

分置南安縣舊唐書永淳元年分南康置南安縣天寶元年改名信豐

神龍元年

江南道

虔州

南康

升大庾鎮為大庾縣舊唐書大庾神龍元年分南康置

開元二十一年

江南西道

分江南為江南東道江南西道虔州屬西道

虔州

南康

天寶元年

江南西道

南康郡

復為郡

南康

乾元元年

虔州

復為虔州

南康

貞元四年

江南西道

虔州

元和郡縣志虔州管縣七贛南康信豐大庾等郡寧化安遠

南康

後五代梁

開平四年

百勝軍

南康

是時南康郡統縣四南康於
次為四郡南康郡下注云
舊日南康郡置平陳郡
廢大業初改名南康郡
舊曰句似有縣本南康郡
考西漢書有贛縣又有南
野晉書亦有贛縣又有南
而無南野則贛縣有南
康復有南野則贛縣有南
仍郡名南野則贛縣有南
專為縣名南野則贛縣有南
康為縣名南野則贛縣有南
皆首贛而南康復故見耳
史

楊吳

順義四年

南唐

昇元元年

保大年十

百勝軍

招信軍

招信軍

改百勝軍為招信軍治虔

葛志貞元四年析零都為安遠郡領七縣而南康其一焉
五代為楊李所據後唐同光二年南隅置上猶場長興二年改

南康

南康

南康

析南康地置上猶場按名勝志後唐同光二年割南康一鄉置為上猶場
五代梁初盧光弼軍據虔韶二州請命於代太祖置百勝軍韶州
南康縣地偽正朔天祐十置軍實梁
楊吳不奉隆吳天祐十置軍實梁
貞勝明四年楊順義四年也地為楊氏所據紀
百勝之同光二年也地為楊氏所據紀
後唐從楊氏

升上猶場為上猶縣按寰宇記壬子歲改為縣則保大十年也贛府志作十一年誤

宋

開寶八年

軍州

改招信軍為軍州

南康

安遠為招信軍南唐保大十年
按太平寰宇記梁大同十
年析零都南康三鄉置安遠
縣隋開皇中廢郡縣置安遠
史路一里再置安遠縣考建
信豐唐書地理志虔州安遠
中三年唐書地理志虔州安遠
七年而南康遠隸焉安遠隸
縣自梁初唐遠置不常均隸
於虔初未嘗升郡也贛府志
後梁開平四年虔韶二州
置百勝軍節度使南唐昇元
元州考百勝軍節度使南唐
虔州考百勝軍節度使南唐
長興二年為楊吳之使後唐
年與二楊氏自楊氏則和
信軍之稱或自楊氏則和
唐雖傳開互要非唐所
能治虔州也百勝軍均為
軍治虔州也百勝軍均為
邑是南康舊隸虔州並未
安遠志

太平興國元年
江南西路
分江南為東西路虔州隸西路

元淳化

虔州
南安軍
以虔州之南康大庾上猶別
置南安軍治大庾按大庾縣
志云宋史楊允恭為廣連都
巡檢以海鹽盜入嶺北民犯
者衆請建大庾縣為軍官
鹽市之詔建南安軍自是
禁者少名勝從知南雄州
陶立南安軍從知南雄州
陶之請也光壁按建軍同而
請建之人紀載各異宋史固
可據而名勝志亦必不擊空
杜撰或合請或並請今不可
考故並存之

南康

南宋建炎四年

鄂州路

宋史置鄂州路統鄂岳筠袁虔吉州南安軍

南安軍

南康

南宋紹興元年

江南西路

宋史復改東西以江州洪州筠州袁州吉州興國南康隸

南安軍

南康

江南安軍為江南西路

元

元至十四年

江西行中書省

南安路

元史至元十四年改南安路總管府

南康

明

洪武九年

江西布政使司

南安府

改路為府

南康

正德十四年

江西布政使司

南安府

南康

以上猶之崇義里置崇義縣制南康之
至坪半里今名隆平里尚隆崇德二里
今名尚德里隸崇義
崇人謝志珊等嘯聚為盜正德十二年
都御史王守仁削平之奏制大庾南康
上猶三縣地立崇義縣邑之郭蔡王陽
朱葉李盧凡八姓至今猶編戶崇義蓋
開縣割隸云參嘉靖通志舊志

清因之編戶三十一里

按編戶舊名里今戶房征冊作圖考顧炎武日知錄蕭山縣志曰改鄉為都改里為畬自元始嘉定縣志曰隴即里也不曰里而曰

圖者以每里册籍首列一圖故名曰圖是矣今俗省作圖謝少連作欽志乃曰圖音鄰左傳都鄙有章即其立名之始其說繁矣

南安府禹貢揚州之域天文斗之分野春秋屬吳戰國屬楚秦屬九江郡漢為豫章郡
贛南壘二縣地晉為南康縣地隋屬虔州唐因之宋初置南安軍治大庾縣割虔州之南
康上猶來屬隸江南西路元改置南安路明改為南安府領縣四明一統志

秦始皇三十三年使屠睢將兵十萬守南野之嶠此即漢鄣郡南野縣地吳始置南安
縣屬南部都尉晉太康元年改安為康三年罷都尉置南康郡隋復改郡為虔州南康縣
皆屬焉宋淳化初始於大庾縣立南安軍從知南雄州查陶之請也元改路明改府名勝志

按以上二則雖通論郡事而於歷代沿革言之頗悉附錄於此以資參考云

山水

元黃既剖流峙昭焉康邑山脈自紅桃嶺迤邐西來峒嶺峙其南壽峯盤其北固極
崇隆之觀矣舊志闕者補之其不在境內者削之水則章江自大庾至下馬石入境
曲流一百六十里猶川則自上猶至百步墩入境曲流一百里會於湖頭邱成和所
謂豫章水南北二源也葛志有之山青而秀人得之愛名而重節水曲而清人得之
慧秀而多英流峙所昭秀靈鍾焉詎僅侈名勝已哉

九日山一名旭山在縣北一里邑治主山也宋陳升之父魏公任縣簿夜夢山神來謁遂

誕升之因名旭合九日字也後避神宗嫌名改名升之按神宗名項舊志登第後復宰是邑

築書室於山巔志府久廢明嘉靖癸未通判黃廷宣復建甲午知縣王宣之縣丞王泰增

拓為祠榜曰第一山志舊今廢稍東伏而起為了髻山兩峯峙如雙髻山有庵祀碧霞元

君增新庵前稍右有池淳泓不竭志舊又東為鯉魚山山形如魚有塔障縣左下流為水口

按山神降生秀公一事府志駁之致確王志仍舊列入考宋史嘉祐年間陳升之陰結宦官驥登政府為唐介等劾罷雷
問附和新法再入政府史臣譏以陰狡目為宰相其立朝本末殊不足觀無一可謂降神之望者後之好事者附會山神降生
為之建專祠祀名宦矣甚且新書院誌景行矣升之宰康建學廟僅見於陳廷傑縣題名記王南叔學記是時郡邑猶未實
學也單辭孤證恐未足據舊志名宦陳升之浙之三衢人升之實閩人非浙人然則康邑之創建廟學者其升之歟其非升之
歟書此以誌知者

鹿鳴山在縣北四十里唐江水南山北有鄉名鹿鳴以此參舊志赤岡砦在縣北六十里丹

柴堡增新

畫錦山在縣北一百里初名大乘山山半有寺名畫錦故名志舊即今妙聖寺志通

按大庾志載開元銅鐘鑄識云洞清觀銅鐘一口先平固作孽之時俘擄入洞天復元年收復前件鐘將歸本縣切見可封里
畫錦禪院未有銅鐘今將轉捨云云則畫錦山為有唐舊寺今徧訪居民莫能詳其地附識於此

鷄鳴山在縣北一百二十里新一圖相傳前明有金鷄鳴於山中故名山椒有寺林木叢

茂清流映帶頗饒勝概增新

新龍嶺在縣北一百三十里崇教鄉高聳磅礴綿亘數十里嶺下新龍里析為新一新二

圖以此得名山有亭爲行人憩息之所稍右有泉清冽可酌新志
羊嶺在縣北一百六十餘里崇信里高聳磅礴嶺有塔有泉府志相傳唐時有郭禪師者居
此以禱雨弗應積薪自焚火燃而雨隨至里人祠祀之通志明爲昭福殿燬康熙年間重
建改名秦雲山舊志

峨山在縣北崇信里高五六十丈春月常有雲氣封護有王小姑墓父老云小姑大行山
延郎女也府志

蓮花山一名巫橋嶺在縣北一百六十餘里狀如蓮花上有巖可容百餘人巖前有仙橋
橋下有瀑布千尺瀉於石竇不知所歸南唐時鄉人結砦於此因名蓮花砦通志山接崇
義縣尙德里界新志

壽峯山一名木古嶺在縣北一百八十里順化鄉高塘村高百餘丈橫亘三十餘里上有
前後二巖可容數十人內有鐘鼓石有池清澈可鑑山接龍泉界舊志

巾子石在縣北二百餘里龍子里高百餘丈橫亘四十五里其巖有巖可容五六十人
有泉流挂遠望如巾故名俗譌爲君子石府志

右縣北山

蓮花山在縣西北五里周圍溪澗縈繞田疇田中一邱全體凸而內凹形若出水蓮花故

名左有百家湖右爲安舒橋又東北行一里爲龍岡前有龍潭山與蓮花山對峙舊志
天心巖在縣西北四十里李姑堡巖內通敞有光可坐數十人山突起昂首若獅又名獅
子巖舊志

禽山一名蒙山在縣西北六十里崇文堡禽水出焉參舊志東十餘里山壁峭拔爲石鼓山
其北一支岡巒繚絡盤紆曲折而上者爲九曲嶺下有巨石俗名仙鵝抱卵越山坳折
而西北高峯聳峻石質黑白相間詭變成文者爲白石嶺俗名蠟梨嶺與九曲嶺相峙
又西北十餘里爲丹柴嶺俗名瓢子嶺又西十餘里爲觀音山新志山高三百餘丈橫亘
百里入上猶界舊志

按禽山禽水明史地理志紀於南康卽此山也上猶之器龍山則營前彭山水入猶川口也地名琴江俗名江口府志謂本
一山一水邑志
各私其地誤

右縣西北山

西山一名西華山新志在縣西一里舊有塔宏治間廢今塔止一層舊志

潛仙山在縣西五里舊有淨居院相傳建炎初呂洞賓化爲羽士寓此故名府志

雲封山在縣西四十里連嶺堡高數百仞其巖常有雲氣封護故名接大庾界山有穴四

曰嶠穴上崎中崎下崎有寺五曰雲封東陽西陽萬陽泥坑久廢稍東迤邐數里蜿蜒

而下至山脊兩旁峯巒陡峭中劈如門戶爲風門咽又北十餘里爲蓮塘砦俗名鷄峯
砦高與雲封山並屹立桃江濱山巔皆石石罅中有泉四時不竭石旁有巖可容十許
人相傳昔時鄉人築砦於此砦下即大人洞增新
紅桃嶺在縣西六十里接崇義隆平里界北爲旗竿寨谿谷幽邃聳起九峯上曰天門裏
中曰九節突下曰九曲裏峯各有泉流逕九曲谿匯於醫子湖山麓有庵曰迴龍增新

右縣西山

浮石在縣西南三十里舊志作縣西三十里高二十餘丈狀如覆鐘水環其外明宏治間邑人吳登顯

鑿石浚水道由石之南舊志距浮石五里有寶石踰踞如虎高二十丈連亘五十餘丈因

據實岸名之以實與浮對也通志

石君山在縣西南三十里西下堡俗名八仙下棋通志在縣西南一百五十里誤三石形似人中最高聳左右

差小列峙如相顧然接大庾界參通志舊志

龍山一名龍華山在縣西南四十里鍋坑高二百五十丈延袤四十里接大庾界參舊志

右縣西南山

南臺山一名南山在縣南五里山腰有巖可坐十餘人舊有南巖寺月夜風籟過客時聞

鐘磬聲今廢稍西有山秀銳而差低名小南山志

嶠嶺嶠嶺作嶠嶺在縣南五十里龍迴堡四面峭險攢石磊砢踰嶺則信豐界舊志

右縣南山

馬嶺一名天馬山在縣東南一里延亘橫峙勢頗寬平形家謂宜於馬首增築聳拔明嘉

靖間副使高時彥檄縣備工累土勢稍昂起劉昭文記志萬歷戊午知縣湯有望始建

塔於嶺舊志

東山在縣東五里盤迴突起與二南山對峙章江水邊出其西識云水打東山田南康出

狀元舊志山半有寺寺有塔塔前有女貞樹相傳宋劉元亨手植明太守張弼有詩志

獨秀峯在縣東二十五里文峯堡山豐下銳上里人謂之鷄籠山宋蘇軾南遷過此改今

名北歸有詩記其勝參蘇文忠集下有龍湫旱禱輒應舊志

高靈山在縣東南三十里文峯堡山勢巍峻躡蹬而上爲三天門相距各里許門各磨崖

鐫字最上有朝元閣瀑布泉折而左有塔院東數里有勝龍山北出九牛抵玉潭山爲

往來通逕山麓有庵曰盤龍晴日登眺風烟繚繞又東一山名青隱與贛縣武林山相

望

羅龍障在縣東南六十里潭口堡高百餘仞岡巒起伏延袤百餘里接贛縣王富界增新

右縣東南山

東華山在縣東一里形家謂水口山宜突起周密萬歷間邑人王事聖倡衆創庵其上
磬石爲長堤前有平臺庵內左有叢桂亭右有觀瀾亭參府志久廢清康熙五十二年知
縣何多學復建工未竣以憂去又廢志

今某址內爲流寓黃毓秀混築墳墓日後建遺即仿黃毓秀遷去此墳惟叢桂觀瀾二亭地勢回陷尙未有墳墓其兩凹之中實
庵正屋之址原跋

右縣東山

玉潭山在縣東北四十里潭口堡山濱大江豫章水流迤南萃驛即自此潭東注舊志

右縣東北山

水

章水一名芙蓉江在縣城南門外源出崇義番都山至洗心橋始大東流入大庾界七十
里良熱水入之又五十里南江入之南江即平政水既合流以至南安演迤縈繞於郡
城之南一名橫江故南安爲橫浦考從郡治下東山之灣合湛口靈巖和溪蕉溪諸
流東北趨南康水始澄澈泓深單水源流考自蕉溪東六十里至縣城南唐兩岸芙蓉故號蓉
江章水考下行里許入東山徑有芙蓉港又東十里有芙蓉橋舊志東北流九十里至湖頭
謂之南源江考桂陽江之猶水領崇義之帶圍水合焉故此稱三江口也章水考水東流
折北環邑治一百二十里至虔會貢水舊志

封侯水在縣西南三十里通志作一百五十里誤源出龍廻堡布尾東流過校溪會九江水至石門灘

入章水

舊志作西南經涼熱水入章水誤

相傳梅鎬駐兵臺嶺兵衆嘗營水濱後鎬封臺侯故名

蕉溪水在西南三十五里源出鍋坑流至浮石入章水蘇東坡有蕉溪間試雨前茶之句

指此舊志

巽水即六秀水一名西流水在縣東南有二源一出大坳頭由合江口會龍坑水經馬嶺
而西一出盧源坑由三角廟至東嶽廟二水合而西流經學宮巽維入章水明正德間
知縣慕紳築隄捍之後漸違故道嘉靖丁未副使高時彥檄縣修築水復西流劉昭文
記歲久隄壞隆慶元年知縣倪民望因舊址增築橫遠學宮天啟五年知縣陳瑾重修
自爲記參府志

秀水在縣東南文峯堡源出獨秀峯逕麻陂至八仙下棋高靈山之溫水西流注之至樟

橋入章水

新志

高陂水在縣東潭口堡源出羅龍幢龍子嶺逕上元佛坳之水北流注之逕小培漁坑之
水西流注之合流至高陂入章水新志

以上章江南

桃水在縣西麻斜堡源出紅桃嶺右新地了髻二山

泉從石竇中出流經大小山爲第一井瀑布十餘丈聲如雷鳴井周十餘丈深不可測第二井瀑布飛落如前

井第三井濫激噴薄瀑布二十餘丈舊志所稱刀
石湖也俗傳天旱輒雨輒驗焉志源出豫水誤
源出跌
選鷄峯砦蓮塘水東

流注之源發棋亭峯流出九曲溪匯爲青子湖
合觀音山諸小水逕鷄峯砦會桃水
選湖江橋下蔡坑水合大嶺背水東南流注之蔡坑水
源出崇

義縣石溪岩選小嶺背至湖江橋大嶺
背水源出豺狗山至湖江橋合蔡坑水
選羊壩裏至南埜口入章水新

按桃江所受凡五水至縣城東北鯉魚塔下入章江舊志所稱南埜口也舊志桃江在縣西紅桃嶺又名南埜灣源出豫水歷南
坑口合蓮塘水至南埜口合章水蓮塘水在縣西八十里太平嶺下余原嶺之趾東流二百四十里經刀石湖至芙蓉江西符水
在縣北源出鑿山東流三百里至南埜口入章水大田水在縣西北四十里源出景泰陽山東流三百里至南埜口入章水過水
在縣西北源出過山東流一百五十里至南埜口入章水茲遍訪鄉里參閱舊志桃水蓮塘仍沿舊稱崇義志載西符水在治東
南六十里源出鑿山東流至南康南埜口入章水蔡坑水源出崇邑流選湖江橋湖江或即符江蓋字之誤餘則名稱今昔殊異
未敢臆定夫康邑西境祇六十里焉有東流數百里百數十里之水平爰採輯新編仍附舊志耳目未周考據未核尙有待於後
人之釐正云

河田水在縣西一百四十里源出崇義縣鉛場派分爲二其一界茆坪桑壩注龜湖而出

長龍其一出新溪逕長龍合爲至坪江至瑞坑陽坑入康邑境故名瑞陽江逕城埠至

陽江潯俗作洋江入章水參舊

按河田水舊容舟楫邑舉人盧大川雙平集云至平百數十里中拆小江兩岸村舍紛錯水陸取道家門而近行人舟子可倚閭
而呼也近則沿岸居民築牆樹棧建造天車激水溉田而舟楫罕通矣

以上章水北

猶水一名梅江在縣北四十里猶豫義同豫水疑即猶江

參通志按猶豫皆喻母音同者古多假借義或然也寰宇志謂良熱水昔名豫水豈古人識其
小而反遺
其大耶
豫章水出湖廣郴州南三十六里黃岑山自宜章流入崇義界經聶都山漢志

謂之彭水禹貢維指尚王象之曰聶都山章水所經非所出也鍾派自桂陽益漿來豐洲左

轉入上猶參舊流經琴江口營前彭山水入之過猶樟合稍水料水猶樟水造水東南

流至南康參通至長伯里匯爲江曰塘江頗深瀚漫折而東二十餘里經湖頭入三

江口舊謂之北源南北源既合經贛縣桃源灘以合於貢參贛江雙江考按舊志梅江源發于贛始

北四十里派分爲二一由河頭村逕橫嶺至齊溪口入猶水此則猶川之支流非經流也一由上下始湖逕葉山下至歐潭入豫
章水則在南北源合流之後尤非來源也梅江從桂陽至豐洲入豫章境受崇邑西北之水入猶全邑之水康邑北鄉之水源遠
流長與南源埽自三江口上折古亭州梅江來如織由古亭具小舟逾豐洲可至桂陽之春龍橋水道者可目驗足踐而證之也
胡明經謂禹貢維指王光祿鳴盛尚書後案並據南安府志豫章水自湖廣郴州南三十里黃岑山自宜章流入崇義界經聶都
山漢志謂之彭水今考府志無此語舊志闕佚多矣通志云上猶江在上猶縣南門外源出湖廣桂陽縣流過崇義界營前彭山
水入之繞縣而東流過南康界入章水通志載猶水爲得其實而不知上猶江即唐江上流別載唐江源出了贛始湖二水合流
至長伯里匯爲江北源一支種沈千古府志云猶水當即豫水漢志贛有豫章水說者但以爲源出崇義聶都山而不知當合猶
水始得名豫章水也至唐避代宗諱而豫水之名隱矣茲抄撮羣書剖析原委而聞見孤陋惟望世之有道是正焉或曰彭水即
營前之彭山水也黃世成桃江說彭水即信豐之桃江桃水一名夢水彭夢音近故譌俟考

石門水在縣西北源出上猶縣百丈峒採上流至雙溪口水頭之水東流注之二水合流

故名雙溪口逕社溪嚴峯之水南流注之源出嚴峯選江頭選江子口麻桑水會大源水西

流注之麻桑水源有五一發禮嶺合選口水邊青江村一發羊嶺選羅洞一發脊龍選大坪均會於大姑一發橋莊
選沙源至橫石井與大姑水合一發邱源動選浮竹會於麻桑大源水發峒上選樓下至十八塘會麻桑江
合棘

嶺腦大坑諸水至龍華江入猶水

按龍華江東北溯麻桑西北抵社溪皆容舟楫康邑支水之頗大者舊志闕載別載寓水在縣西北崇文堡源出禽山東流一百

五十里至南極口入章水倚山距縣六十里在梅江北廉邑北壤之水沿滴皆入梅江焉有東流之水貫梅江而至南極口者附識於此

沙溪水在縣北沙溪堡源出烏石腦逕內潮梅坑之水注之合流至塘江盧村入猶水

燕溪水在縣東北七十里源發贛縣蛤湖山逕橫嶺西流至齊溪口入猶水

巾子石水西流入龍泉縣
龍木橋水北流入龍泉縣

形勝附

峒嶺峙其南黃土嶺盤其北山谷峻深窞洞繇亘惟邑處四境之中章水繚繞秀峯壁立

宋鄭霖新
建縣治記

睽惟南萃小邑實據西江上流衣冠文物之名區財賦舟車之都會元王元渤鼓樓上梁文

俯章流之環繞挹秀峯之峭拔巽水會於前旭山枕於後元王南叔
修學記

隄岸曠衍波瀾老成獨秀峯屹立雲表勢欲插天其餘江山環拱如畫明鍾贊通濟橋記

江山紆圍蒼翠幾重明韓崇文通濟橋記

庾嶺所衍章水所經而邑治建焉東南隩區也明劉賓訓導廳記

二南拱前九日枕後巽水西潏秀峯東峙章江貫貢水以東注峒嶺亘崆峒而南屏是其

山川必磅礴鬱積紆蜿蜒故能固山川之靈氣蓄造物之祕藏申毓來志序

章水自西而東折而北流上扼百粵之喉下通吳楚之境誠豫章西偏上游要衝也萬志
形勝

二南九日山挺其奇蓉水桃江川環其秀劉繩武志序

金橋挂蠓蓉渡橫槎巾巖瀑布懸百丈以飛雲峒嶺嶽奇矗千尋而壁立王志形勝

水利

唐得臣開渠引黃河灌田六千餘頃言水利者其權輿乎嗣是一郡一邑溝洫陂塘

之通塞於是覩吏治民生之勤惰焉南康產稻再熟以水為命鑿池井堵陂塘轉枯

槲建水輪以人力補雨露之窮即隨地勢收灌溉之利肇自何時不可攷矣國賦民

食所由生邑人所當究心也志水利

芙蓉鄉陂二十四塘一十七圳四

陂曰周陂頭發源自盧源坑以次流至本里山宋陂頭發源竹坑流至太平二里陳公溪入章石高譚陂右陂二所
共一水發

源自山田坑流至陳公溪入石陂章兜藍陂右陂三所共一水發源自金豐里中心坑流至太平羅陂發源自金豐里中心
坑流至本里朱邊村

入章水車磨田三頃七十五畝

入章水車磨田三頃七十五畝

入章水車磨田三頃七十五畝

八留湖杜江大人井下社背 右陵五所共一水發源自大水山流至義仁廟以上二十四陂俱入章水

塘曰山塘上 廣二十五畝灌田一畝五分 蔡塘下 廣一畝灌田一畝九分 鍾嶺下 廣二十畝灌田二畝八分 龍塘坑 廣十畝灌田四分

脫頭石 廣六畝灌田一畝四分 狐狸窟 廣一畝二分灌田一畝四分 朱坑裏 廣三畝灌田一畝二分 赤盧 廣五畝五分灌田四分 路上 廣四分

十畝四分 張坑裏 廣三畝灌田一畝五分 大嶺前 廣二畝五分灌田一畝二分 盤古樹下 廣三畝三分灌田一畝四分 黎邊 廣三畝灌田四分 葛蒲坑 廣六分灌田四分

古驛 廣四畝八分灌田四分 王屋門首 廣二畝六分灌田五分 朱湖裏 廣五畝四分灌田五分 圳曰石陂古 長八十五丈闊三丈灌田十八畝一畝二分 賴家古 長三十五丈闊三丈灌田八畝一畝三分 藍家古 長一十五丈闊一丈五尺灌田二畝一畝四分 張邊古 長二丈闊九尺灌田二畝一畝四分

靈異鄉 陂二十一塘一

陂曰曹公蓮塘鵝鳴石陂江石選 上陂五所共一水發源自嶺界中坑山流至石門灘入章水灌田十畝三十二畝八分 龍下 自獨秀峯源流至樟橋

任屋曹老從老 上陂三所共一水發源自信豐界備源山流至石門灘入章水灌田三十畝七十二畝九分 山下龍虎 上陂二所共一水發源自信豐界桐木灘流

分 麻陂沙田沈屋 上陂三所共一水發源自獨秀峯流至樟橋入章水灌田二十畝七畝 培田袁屋背盧家沙陂規頭五眼南田 右陂五所

分 源自嶺界羅龍山流至九牛驛入章水灌田三十六畝三分 趙屋 發源自黃師里南龍山流至源口入章水灌田三畝 黃竹塘 發源自五塚嶺以次流至本里入章水灌田二畝九畝三分 以上廿一陂俱入章水

塘曰仙人古 廣二十畝車灌田六畝二十一畝三分

鹿鳴鄉 陂二十一塘二

陂曰陳思確樟大隔 上陂三所共一水發源自嶺界始湖流至本里香溪 白鶴橋小水 上陂二所共一水發源自長伯里江村會入章水灌田七畝六畝六分 圓李屋土橋廠頭 上陂三所共一水發源自始湖流至長伯里唐 河林頭壩裏社下

中分鳥鵲 上陂五所共一水發源自白髮蛤湖二水流至唐 河下黃土黃屋下河陳渡 上陂五所共一水發源自新水由縣田入 羅邱田心 上陂二所共一水發源自上猶油石山流至下村寨背 發源自始湖流至上猶江入章水灌田八畝五分 十一陂皆流至上猶江入章水

塘曰劉壩 廣十五畝灌田三畝十二畝 火爐 廣一畝灌田二畝零一分 崇教鄉 陂三十二

陂曰新下 發源自上龍山流至長伯里陳陂頭上猶壩上龍華 上陂三所共一水發源自上猶江流至得俊里 合溪羅

婆 上陂二所共一水發源自理會流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

口 上陂四所共一水發源自立源合上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

田東 發源自東坑流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

五畝 田東 發源自東坑流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

六畝 田東 發源自東坑流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

三畝 田東 發源自東坑流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

五分 田東 發源自東坑流至上猶壩下大陂龍 上陂二所共一水發源自上猶壩下大陂龍 上陂二所共一水發源自上猶壩下大陂龍

水自崇德里山發源流至本里江頭村 以上三十二陂俱由上猶江入章水

會 上猶江入章水灌田七畝四分 以上三十二陂俱由上猶江入章水

南康縣志 第一編 卷一 地理志 十七

順化鄉 陂共一百一十二

陂曰塘坊水口村頭小陂樟樹上陂五所共一水發源自崇居二里羅洞羊嶺山以次流至上猶江由四頃八十二畝八分老虎沙壩虎脛小口上陂

四所共一水發源自本里羅洞羊嶺下流至上猶江入章水車田三頃一十二畝八分峽口峽口上上陂二所共一水發源自本里太湖嶺流至上猶江入章水車田三頃一十畝葉屋山角下村上陂

共一水發源自崇嶺流至上猶江入章水車田四頃六十二畝九分井塘背高陂鴉雀牛尾上陂四所共一水自李嶺發源流至上猶江入章水車田一頃十七畝六分楊陂岸陂門前

賴角同處園陂社前石陂印下萬陂竹頭上陂十一所共一水發源自蓮花嶺流至上猶江入章水車田六頃四十四畝栗木樹下社下水口

橫江梅林上陂五所共一水發源自本里老給石嶺流至上猶江入章水車田三頃二十七畝樟樹下長嶺上陂二所共一水發源自蓮花嶺流至上猶江入章水車田一頃六畝一分以上三十六

陂俱流至上猶江入章水 長山廟前善槌陂頭上陂四所共一水發源自本里大源嶺流至上猶江入章水車田四頃四十三畝水口沙塘

湖背社前上陂四所共一水發源自本里分水嶺流至上猶江入章水車田六頃二十畝長斜小沙圳溪頭高塘上陂四所共一水發源自本里高塘村流至上猶江入章水車田五頃一畝三分

以上十二陂俱流至龍泉江入章水 羅分圳沙陂西坑上陂三所共一水發源自本里楓樹選流至上猶江入章水車田三頃一畝四分蕭

屋門前屋門前鄧屋牛陂王屋勤門前小澗上陂六所共一水發源自本里羊嶺背流至上猶江入章水車田六頃八十三畝八分板坵莊背過步

尖磊上陂四所共一水發源自葛梗流至上猶江入章水車田九頃七十七畝一分廟前水尾張坑楊柳圳上陂四所共一水發源自葛梗流至上猶江入章水車田五頃五十九畝

礫口社下陳坑塘梅花上陂四所共一水發源自萬安水車田八頃二十一畝杜下阮屋大磊較溪上陂四所共一水發源自葛梗流至上猶江入章水車田三頃二畝二分

牛角潭石陂上陂二所共一水發源自龍子上沙場嶺小嶺流至上猶江入章水車田二頃十畝小澗溪水發源自龍流至上猶江入章水車田二頃十畝石碣石陂兩假茅

塘上陂四所共一水發源自春龍流至上猶江入章水車田一十四頃三十一畝五分江前溪頭黃屋橋頭赤嶺羅屋上陂六所共一水發源自春龍流至上猶江入章水車田十頃

五十六上陂三所共一水發源自蓮口流至上猶江入章水車田十二頃三畝龍下高坵桑園石巖上陂四所共一水發源自蓮口流至上猶江入章水車田十頃

田五頃九十上陂三所共一水發源自蓮口流至上猶江入章水車田七頃九十三畝石陂石虎西陂苗陂上陂四所共一水發源自春龍流至上猶江入章水車田二頃五分

廟前虎坡烏坵上陂三所共一水發源自蓮口流至上猶江入章水車田二頃二畝周屋發源自春龍流至上猶江入章水車田二頃二畝五分墟口死河曾坑黃竹郭

公大伊下角下坊蕭屋上陂九所共一水發源自春龍流至上猶江入章水車田三十三畝九分以上三十九陂俱流至上猶江入章水

按水輪俗名天車亦曰高車擇灘溜處近岸對豎四柱或八柱十二柱不等柱覆以梁

平其上使無舟纜牽綆之礙柱內順流建一輪大小準江岸高低為之輪廣一丈沒於水

者三分轉水面者五分高出江岸者亦三分截竹筒百十沿輪低昂縛之復織小竹簾間

置筒前後以障水水急輪轉故懼江流漫漶無力也由車所斜截其流百十步豎樁築壩

勒水專流於車水愈急車愈轉左沿右出筒則隨沒以汲隨出而傾當傾注虛剝木槽盛

之導以溉田晝夜可數十畝然惟章江塘江二經水及桃江河田江龍華江三支水方可

建置餘水漲落不時多用桔槔即俗所謂脚車手車是也其制與吉臨等郡所用牛車相

似第江岸地面平衍凹凸不同彼處可駕以牛此則不能不踏以人耳

按舊志所列陂各二百一十處其間陂塘溝圳灌蔭區頃與時移易不必皆古所云第

耳目猝難徧及更紀失實轉滋爭執仍舊錄之不敢意爲滄桑也

津梁

牛女之間星橫雲漢津梁之象懸於天王者法天以利人故於十一月而徒杠成後世宗之趙充國治橋七十漢世攸賴是橋者亦補苴王道之一端也夫水割地而分之鳥不窮於翼而人窮於足能以智力濟所窮道贊位育天不任功惠雖費非小也康邑當南北通衢橋之可紀者七十有六爲渡三十有八觀所列昔時解囊之人有流傳至數百年後者則茲篇亦豈僅記四境路所經由已哉志津梁

迎恩橋縣東門外 明嘉靖八年邑人劉慶與族人共建清順治八年增建玉皇閣

合襟橋迎恩橋東 明正統間邑人劉汝瓊建

通濟橋縣東一里名東橋又名芙蓉渡舊爲浮梁元時創石墩爲屋於上明洪武間知縣

沈甯修鐘贊有記後水決重修韓崇文記洪熙間屋燬於火遂廢今以舟渡

寶林山橋縣東門外 明嘉靖間李深乾妻王氏建

藍田渡橋縣東關外 清乾隆丁酉李盛祿建石橋一座

文付橋縣東十里 宋崇寧間建明宏治中水決知縣趙濂重修復決正德辛巳義民王貫魁重建清康熙庚寅知縣申毓來捐修乾隆十三年知縣鄧蘭與潭口司王元龍捐修

蘇步橋縣北資聖寺右 以宋學士蘇軾經此故名

淨慧寺橋縣東北郭跨城濠水 明宏治十四年建嘉靖間邑人王鎮辛修今圯

龍岡橋縣北門外 邑庠生賴香獻建

芙蓉橋縣東十里東山象鼻嶺下 明成化間里人蔡斐敬建橋臨大河久爲水決路亦改行別徑

芋坑橋縣東十五里黎邊 明正德間邑人郭日恭建爲石橋後圯易置以木

樟橋 舊志作章縣東二十里跨秀溫二水合流處 橋當轄通衢長三十餘丈闊七尺宋崇寧間邑人章聰一建因姓故名

高陂橋 一名多縣東四十五里跨羅壠嶂溪水 宋崇寧間里人高海亮建因姓故名久圯清康熙三十九年巡檢俞

黃土橋縣東高陂下一里跨羅壠嶂溪水 明嘉靖己酉奚應福建

潭坪橋縣東四十里跨田頭溪水 邑人王子安建

潭口廟前橋縣東五十里跨逕背溪水 王子安建

廣津橋縣東五十里 明嘉靖甲申朱孔諱修後廢易木橋

護龍橋縣東十五里跨秀水 清道光二十年邑人張大藻募造兩岸固以石墩

王村橋縣東二十五里跨溫水

清田橋縣東二十五里跨溫水

上元橋縣東三十里跨羅壠嶂水

鞏橋縣東四十里跨田頭溪水下流 地名九牛驛石高丈闊如之中開二洞建造未詳

雙板橋縣東四十里跨鞏橋上流水

昭忠橋縣東十五里跨秀水 清咸豐八年生員張大芳奉知縣周汝筠論獨力捐修

鴉鵲口橋縣東十里跨坨圳溪水

隘牆背橋縣東十五里跨秀水上流

通粵橋西門外 因路通粵故名康熙戊申冬覆橋以屋今圯

官窰下石橋縣西五里 嘉慶丙子職員蕭應淳建

湖江橋縣西二十里 明嘉靖邑人郭日蕃建久頽今修

古鎮鋪石橋縣西十里 清嘉慶壬申李盛祿建

石鑑橋縣西二十八里 近賢女鋪橋闊一丈長二丈餘清康熙四十七年知縣申毓來建

鳴鶴橋縣西三十里跨十八面水 府志作鴻鶴橋

銀渡橋縣西三十五里跨蕉溪水 地名鍋坑宋崇甯間王九成建

牛牯橋縣西北四十里一坊九甲 里長李興隆建水決今修

金橋縣南便民門對江跨六秀水 明嘉靖間李翹遂黃華美共建

水南橋三逕里玉潭坊壩頭 明安治十二年義民賴吉運建正德乙亥其子養慶續修久圯今改木橋

羊坑橋縣南二十里 地名李村明天順間賴良修建後圯今改木橋

古橋縣南三十里跨封侯水 地名龍烈邑人蔡甫經建

太平橋縣東南 舊名巨濟在城南明初山城焚毀遷於今處以舟為浮梁正統間里人賴茂康重修後建木橋

雙板橋縣南五里跨壩泥坑竹坑水

安舒橋縣北五里跨桃江水 舊名舒家橋明成化間義民蔡斐安王璉中等建知府張弼改今名後圯於水安治甲子知縣賴澤令僧緣祿募資重建覆以瓦屋南北各堅木坊上標橋名明嘉靖丙午燬於火知縣

胡希顏率義民劉東潮王貫昂王諒等隨力捐修蓋以石壬子知縣高尊典史張永科復率潮等完其功尊為之記後因江闊橋長屢被沖決改為活板秋冬水落則駕為橋春生水長代以舟楫

葉坑口橋縣北數里 明成化里人王璉中建

白塔橋縣北十里 地名葫蘆坑明成化間王璉中建正德丙子王貫魁修

都堂橋縣北十五里跨牛犇坑溪水 邑人郭嘉文建

石古壩橋縣東北十五里 郭嘉文建久廢

唐江橋縣北四十里跨沙溪水 宋乾道間上猶縣貢生劉權仕翰道經於此遂建石橋景定間權孫雷奮重修猶

碑歲久碑橋俱圯復修今存按此詳明一統志

鵝坊橋縣北九十五里跨麻桑江水

在崇教鄉舊名鵝坊渡明季渡廢清康熙癸酉崇信四里人劉大續崇義三里人明斐石倡建石橋丁崩四洞後圯知縣申毓來巡檢董子音補修橋面乾隆甲申水決三洞石橋遂廢嶺山下人鋪上卿改濟以舟捐買西岸檢坑口壩裡至河堤內外皮骨租田二十餘石以給舟子工食及修船之費後因沙壅河淺不能濟舟道光間改建板橋壩柱三十二計長三十餘丈板薄狹而柱亦不甚牢每至山水暴漲近橋居民必預收板水落復駕甚非持久之計尙賴里中之好義君子加修葺固焉

麻桑橋縣北一百里跨麻桑水

舊為石墩橋以木板年久頽圯樟山下人鍾克紹獨力捐修復置新卷裡租田十二石又捐每年土稅錢十餘千文為修葺之資

沙園橋縣北一百二十五里跨土橋大姑合流水

在順化鄉相三十一里即橫石井橋為龍泉萬安通衢明崇禎末生員吳道行募款創建砌石為墩者六功垂成而

時逢鼎革事至清康熙庚戌道行延僧濟生募藏前功沿橋覆以瓦屋設為風雨亭兩傍界以短欄可憑可坐計長二俱連橋屋翼然對峙近橋設為街市茶亭酒舍行旅安之乾隆中圯二墩丁酉歲里人張鴻翔獨力捐修一墩張陣中分修一墩道光元年又圯一墩生員盧俊瑋等續修完固

土橋縣北一百四十里跨大路坪水

明崇禎辛未和安司巡檢湯燦倡修清康熙九年圯於水二十三年里人劉聚生續修四十二年又圯四十二年覆以屋旁列欄于如沙園橋制僧覺能募資重建

孫江壩橋縣北一百二十里跨大源水

十八塘橋縣北八十里跨麻桑江下流水

礫下石橋縣北八十五里跨樓下溪水

相州橋縣北一百二十里跨橫石井溪水

壩下石橋縣北一百二十里

壩下橋縣北一百三十里跨土橋下流水

育堂橋縣西北九十里跨社溪水

城坊橋縣西北八十里跨龍華江上流水

浮竹溪橋縣北一百二十里跨邱源坳水

翻花潭橋縣北一百十里跨大源洞水

木塘圍橋縣北五十里跨竹下諸溪水

土嶠灣石橋縣北五十五里跨白沙坵溪水

竹下石橋縣北六十里跨竹下溪水

石陂橋縣北七十里跨內潮溪水

九龍亭橋縣北六十里跨羅木坑合流水

九撥橋縣北四十餘里跨沙溪口水

平江石橋縣北一百二十里跨麻溪水

城埠橋縣北二十里跨河田江水

下梢江橋縣西八里跨桃江水

上梢江橋縣西八里跨桃江水

赤土壩下橋縣西三十里跨青塘溪水

臥虎橋縣西二十里跨長塘諸溪水

樟樹下橋縣西三十五里跨蓮塘麻斜諸溪水

朱坊埠橋縣西三十里跨河田江水

烏鋪橋縣西三十五里跨河田江水

龍迴橋縣南四十里跨東郭溪水清同治三年村民衆建

渡船

南渡縣南門外義渡三隻

附南門義渡租田

- 一清乾隆間陽恆奏集水南上下村九姓捐置南水臘裏寨租賃拾伍石納糧一斗二升八合四勺勒碑南門左側渡租始此
- 一清嘉慶甲戌陽偉觀陳茂蘭李退思陽兆遠謝正乾陽秩成等倡募合邑義捐續置西水蔭塘基五處租賃三十石南水三角坵四處租賃十六石五斗二升東山甲八處租賃三十五石南水馬塔坵等處租賃二十石冷滲塘六處又東水龍嶺二處石禾場五處賃共二十一石八斗文峯堡麻陂三處租賃十七石五斗二升八合五勺四甲象形虎形六處租賃十七石五斗七升二甲竹山排租賃一石八斗七升五合南水上村三處周坑二處龍坑四處雙板橋三處賃共二十九石七斗五升又高園上二處及墩背墘下等處皮骨租田九石九斗又油龍口皮骨田二石土圍裏二處及杉樹園租賃共五石三斗李村甲四處東郭布尾五處租賃共十二石五斗南水大嶺背墩上租賃一石門前工本田七石五斗以上續置義渡田賃共二百四十三

石二斗四升三合五勺歲收額租穀若干另有碑記應徵糧米四石九斗一升一合五勺俱歸三坊圖八甲陽文盛戶花名義渡完納

附各姓捐膳義渡

- 一水南邱姓膳上坪嶺坵上皮骨田十五石六斗二升五合
- 一李姓膳三角廟塘面上田租賃十石又塘稅錢一千三百文土稅錢五百七十文
- 一林姓膳龍廻七里坊租田九石
- 一盧姓膳文峯堡等處租賃五石
- 一蕭姓膳文峯堡等處租賃八石七斗九升
- 一李姓膳南水大嶺背租田七石五斗
- 一鄒姓膳南水大嶺背租賃六石七斗五升
- 一陽姓膳南水馬牯嶺租賃六石
- 一李姓膳南水高園上皮骨田六石六斗六升
- 一王姓膳南水龍坑尾租賃四石二升
- 一謝姓膳南水竹坑杉山下租賃七石五斗又上坪嶺租賃五石
- 一陳姓周姓膳南水竹山下租賃七石五斗

- 一 謝姓膳南水轉城屋對江租賃五石
- 一 廖姓膳南水下山租賃二石二斗五升
- 一 李姓膳東山甲坵圳租賃三石三斗
- 一 蔡姓膳南水高坵墩東水龍嶺等處租賃二石六斗四升
- 一 曹姓膳南水下坊墩背雜河租賃二石五斗
- 一 邱姓膳南水竹山下租賃二石五斗
- 一 蕭姓膳南水嶺下租賃一石五斗
- 一 李姓膳南水紫荊山土稅錢四百文
- 一 李姓膳龍廻黎屋坊等處租賃一石
- 一 陳姓膳南水上村租田二石一斗
- 一 蔡姓膳南水竹頭背租賃一石五斗
- 一 謝姓膳南水三角廟租賃一石二斗五升
- 一 謝姓膳南水柯木壠租賃一石五斗
- 一 康姓膳龍廻五庫裏租賃一石三斗
- 一 黃姓膳西水龜角尾租賃一石四斗五升

- 一 謝姓膳南水三角廟租賃六斗五升
- 一 邱姓膳南水榕樹坪租賃一石五斗
- 一 陽姓膳南水上壠裏租賃一石五斗
- 一 吳姓膳南水竹紙坑租賃八斗
- 一 陽姓膳南水木涵頭租賃三斗
- 以上通計膳田租賃一百五十三石八斗八升六合應徵糧米三石一斗九升五合
- 二 勺俱歸三坊圖八甲陽文盛戶花名義渡完納其實收額穀若干及捐膳姓名勒碑河干俱舊志

一 陳姓與龔姓歷年構訟爭審頭上灣裏田租賃 担咸豐九年奉周憲斷歸義渡掌

管

上渡縣西塔下

原係水府廟前廟燬
渡廢今併南門渡

下渡縣東南便民門外

因門塞渡廢雍正開門闢復設

東渡縣東二里即今藍田渡

舊爲通濟橋明洪武間知縣沈甯修葺鍾寶有記
重洪熙開橋屋悉燬於火後改以舟其渡
舊無義租舟子工食及修理之費悉由邑紳募給咸豐七年文峯東山上元三局合置渡船

一隻前治元年生員張大芳黃日貞等募新之嗣因近處居民載牛放牧易致朽壞同治七年又經芳貞等募資重造禁載牛因工
食無款籌給由舟子自募

新東渡縣東二里地有郡守馬公祠及茶亭在焉康熙四十四年知縣申毓來捐造新船

每歲捐銀修治四十九年復置田十五石永爲修船之費

高車壩渡縣西十五里

賢女鋪渡縣西三十里

銀渡縣西三十五里

青泥鋪渡縣西四十里

奎閣渡縣東二里

檐前嶺渡縣東十里

竊邊渡縣東五里職員邱特峯置船一隻給渡夫工食不得別取咸豐六年被賊擄廢

洋江濟渡縣東十五里村民衆建乾隆二十七年黎孔安等十七家倡捐租田一百七十石在東山甲鐵爐腦等處後茂廷振又捐潭口租田二頃十石每年實收租穀一百二十九石七斗五升給檐前嶺洋江濟二渡工食並修船費後因歲歉不敷支給檐前一

渡暫停道光元年黎養吾邀同本里方鍾李謝各姓並合邑捐置租田一百二十一石

五兩歲收租穀九十一石一斗二升幫貼二渡之費其糧各照契券割納又合邑捐錢

一百零四吊每年生息修造船隻公選正人輪管三年一換其捐助姓名及錢穀若干

勒碑河干咸豐六年兵火以後佃戶多半逃亡前各捐戶後裔有將其祖所捐租田領

回自收及黎孔安後裔將原租各自領回義租遂廢

潭口渡縣東四十五里

朱邊渡縣東十里

三江口渡縣東北六十里又名甘渡

邱邊渡縣東三十里

鏡壩墟渡縣東十五里合坊衆建渡船一隻職員邱特峯獨力造船一隻捐給渡夫工食不許別取並禁借數瓦牛隻物以防損壞

八家塘渡縣東四十里咸豐八年知縣周汝鎔諭由永靖局撥充公田三十餘石贍渡夫工食不許變賣

江壩渡縣東四十五里同治二年貢生張昌謬獨力捐造船一隻歲給渡夫工食後朽募捐衆修改由合村捐給

鵝嶺渡縣東十八里渡在河田江口與章江合流處

王壩渡縣北五里桃江水與章江合流處秋冬水落里人駕橋以渡春水生漲則濟以舟

塘江渡縣北四十里義渡五隻盧姓捐造船二隻號萬緣渡置有田租收給渡夫工食及水漲加雇夫力修葺等費又衆善局公置渡船三隻典買唐江店房二間共收租錢一百四十餘千文衆議將此項租錢設立義渡三隻同治四年奉會前督憲札委黃黎一府憲查辦唐江應充公產店房十六間及同治三年衆善局典買店房二間共十八間店租銀息撥給渡夫工食及修葺等費同治九年因衆善局奉裁無人經管知縣沈恩華諭將此契實字券傳交唐江保甲局首事具領接管

附錄萬緣渡義租 盧姓公置

一大石陂租田五石

一饒家陂租田十五石

一下馬坑租田三十石

一樟社裏租田三十石

一山牛坑租田二十五石

一坳裏莊租田五十三石五斗

一黃金坑租田五石

一南山下租田二石五斗

一長坑裏租田十五石

一小黃龍雷公嶺租田十石

一蒲竹樹下租田三石

一義裏莊租田二石五斗

一江子口嶺子下租田九十石
 一墩背大公壩青子土一斗
 一虎形頭租田九石
 一杉本坳黃婆洞租田五石
 一竹下租田五石
 一橫岡甲松樹嶺租田六石
 一大碼頭塢上渡亭一所

以上共計租田三百一十一石五斗土一斗實載熟糧長伯圖十甲盧海熙戶花名萬緣渡米四石八斗零八合盧欽相戶花名萬緣渡米二石三斗九升三合

附錄衆善公局置義渡店房 奉府憲黎北堂黃鳴珂查辦唐江咸豐六年從逆各戶應行充公店房撥給義渡收取租稅永爲修船工食等費同治十年公議契實審灣裡坐北向南店房一所價銀二百四十元發存同豐質舖按月一分五厘生息支發渡夫工食

一增福街坐西向東店房一所
 一老帶行坐西向東店房一所
 一牛崗行坐西向東店房一所
 一糞碼頭坐東向西店屋一所
 一牛岡行坐南向北店房一所
 一糶米行塢下坐北向南店房一所
 一牛岡行坐西向東店後尾店一所
 一老帶行坐東向西店房一所
 一糶米行塢下後尾店房一所
 一牛崗行坐南向北店房一所
 一鞋行裏坐北向南店房一所
 一豬條行坐東向西店房一所
 一糶米行塢上坐北向南店房一所
 一牛岡行坐西向東店後尾一連二間

一鞋行裏坐東向西三角店房一所
 一花生行巷內坐北向南房屋二間

一石角菴背坐北向南店房一所
 一增福街坐南向北油行店屋一所

附錄同治九年三月十六日縣給唐江保甲局紳接管印劄縣正堂沈爲諭飭接管事據寶興局紳稟稱唐江大碼頭渡船利濟來往行人最關緊要同治四年奉前督憲曾札委前府憲 黃 查辦應充逆產唐江城店房十五間嗣於同治三年衆善局契

典唐江店房二間局紳公議唐江大碼頭渡往來人衆應設義渡以濟行人請將此項店租設立義渡四隻所有各店租錢作給渡夫工食及修整船費計每年收得店租儘可敷給查有唐江保甲局首可以接管爲此開呈各店租錢並將典契及各店

賃租字據繳呈懇即飭傳唐江保甲局首接管義渡事宜並着具領各店契租字等情到縣據此除批示外仰該局紳等將唐江大碼頭義渡事宜妥爲經理一面出具領狀赴縣具領店契租字以憑接管此諭 大碼頭義渡產業自改建浮橋後現由唐江商會代收爲永遠修整浮橋之用

同治十一年仲秋月盧姓備價洋銀二百一十元贖回唐江店房二間並前項變價洋銀二百四十元共洋銀四百五十元正均發存同豐質舖按月一分五厘生息永爲修整船隻及發給渡夫工食等費

油籐灘渡在石塘堡縣東北四十里 爲嶺崇二邑通衢康熙丁酉年幸瑞祥捐建渡船一隻騰青子土一斗三升給船子工食後因洪水冲陷其會孫定元登元奉弟佳重修續騰青子土五升每

年收稅錢五千文加給渡夫又建風雨亭於渡口憩息行人

齊溪口渡縣東北五十里

乾隆二十九年董茂彰捐租田二十石永為修船及舟子工食四十六年其孫董球續置租田八十四石加給工食及修船之費其兩項租田俱在渡口水南蔣屋伍屋花分等處

朱坊渡縣西二十五里

路通上猶康熙辛亥冬設船興復

鳳岡墟渡縣東北六十里

咸豐八年鳳岡局紳樂建渡船二隻雇夫二名水漲加雇夫力月給工食穀二名置有租田

打鐵灘渡縣東北六十里

鳳岡三江二局合建渡船一隻各相租田收給工食修船諸費

湖溪渡縣東六十里

即舊湖頭墟舊置仁濟渡船二隻有租咸豐八年知縣周汝筠復撥充公田產以資工食等費

蔣屋渡縣東北五十里

圍下渡縣東五十里

黃竹塘渡縣東五十里
牛形渡縣北四十里
老鼠嘴渡縣西北四十里

小園渡縣西北六十里

亭在城內既附古蹟者不錄

申明亭

縣南街旗幟廟對門乾隆十四年十月知縣鄧蘭復建地基深二丈九尺五寸闊二丈

旌善亭

縣南街旗幟廟下乾隆十四年十月知縣鄧蘭勘明地基深二丈八尺闊二丈今廢

碑亭

新東渡口一康熙六年為郡守范時秀建康熙十七年為南瑞道李世昌建今俱廢

嗟我勞人亭

潭口堡高陂橋後亭在入籍通衢河沿二年里人葉某修建捐田租十餘石召人居守自四月至八月變租市茶廠之以飲路人不取其值

李家山亭

麻波張劉諸姓合建置田租為茶會以飲路人咸豐六年為賊所廢

新龍亭

縣北百三十里新龍山春里人建捐設有茶會憩飲行人

觀瀾亭

東華山平臺巷右久廢

風雨亭

新東渡口馬公祠側今廢

保赤亭

縣前東土地廟側今廢

渡口亭

唐江大碼頭今廢

鍾村亭

亭內周設石凳憩息行人里人鍾拔賢建

修路

北石塘堡之濫泥坳唐江堡之平田山石窰子三處大路均係南北通衢險阻崎嶇旅客視為畏途乾隆二十年庠生余公勝捐費千金概鋪以石旅人至今賴之

縣西出咸安門至大庾境石橋十餘座大路數十里乾隆中職員邱運麟獨捐重資重修縣東關外藍田渡南岸蹊徑偃仄雨滑人多墮水嘉慶初同知職蕭應淳砌石捐修又買近岸田畝築田成路行人便之

縣北城埠至寡婆橋大路二十餘里咸豐十一年職員廖開昱郭緒鏞合力捐修
縣東東華山官路同治九年賓興局捐修
縣西西華山官路同治九年賓興局捐修

縣北旭山大路同治九年賓興局捐修

縣北唐江大碼頭同治十年知縣沈恩華捐修

縣北十八塘沿河大路同治五年監生張官英倡修

古蹟

西方榛苓南國甘棠非其蹟自古也賢詰挺生耕釣所留則山川生色地以人傳也
康邑所紀斷自有宋一堂一亭一池一閣或賢士大夫所憑眺或騷人韻士所謳吟
攬勝蹟而溯遺風有志者可以興矣

南壘舊縣本漢縣屬豫章郡明一統志後更名南安復明南康至明以南壘名驛云府志

南康古城在縣治西南一里即晉縣舊基府志

縣尉司在治東迎恩門內宋紹定中縣尉戴嘉甫重建元末兵燬明洪武初知縣周以中

即其基為城舊志

翠微亭通志在縣治內宋相陳升之為主簿時以石登臺構亭其扁曰翠微紹興間邑令

上劉將之易名陳公臺名勝志紹定戊子燬邑宰劉夢祖即舊址為皆春亭明復燬舊志

熙春亭宋陳升之築於翠微亭前其後易曰獨秀取東坡詩也府志

瑞露軒在縣治內宋縣令陳廷傑有善政瑞露降於古松因以名軒明一統志紹定戊子燬清

康熙四十八年邑令申毓來復建舊志

序賢小亭在縣治皆春亭前宋紹定間邑令梁現建元末兵廢明改為主簿廡清順治丁

亥燬舊志

八桂堂在縣治東北宋紹興初邑令趙公瑾建府志元大德間以八桂堂為達魯化赤廳元

末兵燬明改為縣丞廡清順治丁亥燬舊志

隱相亭在八桂堂南宋紹定中邑令戴翼建以陳升之曾令此故以名亭府志後令趙與搢

易名勤清久廢改為典史廡清順治丁亥又燬舊志

琴月亭在主簿廳前元大德壬寅邑長詣都刺建元末燬舊志

愛理堂在主簿廳前明洪武二年主簿胡德可建張以寧記舊志

梅隱蟠松亭在縣東百步宋紹興甲子縣尉戴嘉甫建紹定戊子燬舊志

蘇步坊在縣治七十步蘇子瞻南遷經此過田如熬六經堂留題因名名勝志

探月亭在縣治西宋紹定間邑令劉夢祖因新縣治築之後改縣尹公廡舊志

皇仙臺在縣北九日山東嶺俗傳有皇甫道人於此成仙故名通志

九經臺在縣北九日山因田闢九子各授一經而名府志

旭嶺書臺在縣北九日山宋陳升之宰邑時築山椒有旭亭通志臺與九經臺相望日久傾

圯明嘉靖二年通判黃廷宣因舊基修築十三年知縣汪宣之丞王泰倡建書臺及樓

隆慶間知縣余世儒重修聚邑人士講學其間萬歷二十五年知縣汪承爵復修增構

祠宇次年知縣沈肇元始竣工王宏誨劉節並有記府志

田氏水閣蘇軾初謫嶺南過此北歸復過有詩咏獨秀峯久廢參通志

放生池在縣東門外清真觀因濠為池宋淳熙間邑令曾三復建亭其上今廢府志

七星臺在縣西附郭大小七土墩羅列如七星然到縣來龍過脈於附監李逢軾宅內至

對過舉人王崇暉宅後始突起一墩為結縣城主星周廣方二十餘丈高可二丈許上

頗宏敞形家謂此宜建亭閣此為一星距城濠祇一矢之遙乾隆十三年居民周團築牆邑

士稟前縣鄔蘭勸明飭令毋許平去立案其餘六星遠近相望可迹可稽萬志歲久結縣

主星一墩為居民侵佔造屋道光三年邑士稟前縣劉繩武復勘丈量計墩右西南至

東南六丈四寸前東南至東北六丈四寸左西北至東北六丈五尺後西南至西北六

丈四寸飭令該人民將屋折毀見出全墩界址並飭墩北交出附近空地三丈一寸墩

前交出附近空地一丈三尺一寸歸墩以培墩脚暨牆又墩前路一條闊五尺直至大

路餘地只准種植毋許建造房屋安墳鑿井立案王志

丹井在仙臺觀按原今西院井有二形如呂字俗傳呂仙寓此開鑿故名舊志

蘇步坊井在縣治東蘇步坊下井深水寒其出不窮通志

玉字井在縣東南隅玉字街以此為一點蓋取象形之義府志

甘泉在縣西南一里旱澇無增減味甚甘美通志

白鶴池在縣東通志作縣西誤今為民居舊志

綠池在縣東宋開寶間偶出石綠尋竭至今仍其名參通志舊志

壽龜池在縣南街形家謂城中地形偃伏連接如五龜又一統志云中有石似龜故名府志

鴨子湖在縣水南中有堆圓如鴨子志勝云湖水漣漪邱阜突起湖旁舊有亭榭平疇周

環多古松喬簪蒼翠舊志

樊將軍噲宅在縣二十里樊坑別有墓在縣西南金豐里羊坑基二三十丈周砌以石狀

如覆釜新增高淳按噲浦人不應有墓在此必因樊氏墓遂傳噲云

賢女潭在縣西三十里宋劉賢女自沈處里人立祠潭上墓在潭北岸祠前新增按樊噲宅墓賢女墓舊志列於此

銀渡館在縣西三十里宋寶祐間建明一久廢新增

玉潭館在縣北三十里宋寶祐間建

明一統志

按銀灘橋在銅坑即賢女埠對岸將府志謂銀灘即今賢女灘是也玉潭山在縣東北潭口鎮是使往來孔道也將府志謂玉潭似即唐江誤

風俗

王者一道同風好惡攸同蕩蕩平平四海無自為風俗者然崆峒人信丹穴人仁鍾毓攸歧好尚根之政教所及轉移繫之齊魯之變聖人所由重至意也南康南澳區山川風景傑然號稱上流之冠有宋以來重以周濂溪之過化發以蘇學士之風流古稱衣冠文物名區不虛也然俗與化移惡知今不異於古所云耶砥流柱倒是所望於轉移風俗不為風俗所轉之矯矯而錚錚者志風俗

詩書接周濂溪道學之源流人物經蘇學士名公之題品

王元渤南康錄鼓樓上梁文

邑以壯稱民多殷富

鍾斌通濟橋記

有文章之氣未墜正始之風

黎元寬南康遷復學宮記

南康人士猶留古心少所雕琢

黎元寬南康遷復學宮記

大族巨室頗有高其門閭垣墉池沼園囿臺榭無虛曠

鄭霖南康新建縣治記

人物衣冠之繁山川風景之美傑然為豫章上游之冠又為儒先君子講道過化之地民生其間往往有昔賢名人以德行文章致位通顯遺事迹以風動其人故俗為易化

張知

北南康重修縣志記

南康東南澳區也川嶽所蟠靈秀毓為園橋之英青衿白哲椰椰都都

劉資南康儒學訓導廳壁記

民俗雕樸惟其時文教興替惟其運

趙日崇南康縣志名記

人文蔚興有宋以來彬彬乎號名邑

王鼎南康重修學宮記

冠行古禮賓筵序齒皆有古之遺風

郡志

民氣古樸風俗猶為近古所迷溺而不遷者莫如溺女一事

何溥育嬰堂記

山有主賓之勢至有緩急之情人多相類

莊密書

民任氣而畏法哇哇小隙輒鳴不平一見官吏漸以委楚既決則俯首帖耳肅然自失

冰

序碎墨

丈夫無侈靡之習然文彩風流不足飾觀士女然宴會之風而機杼筐箔僅能自贍是以

矯語岩穴者甘布素而不辭竭力麻桑者免饑寒亦自慊

夙稱衣冠文物之區先儒講道過化之地故禮義漸漬人多以氣節廉恥為尚

葛志

士守法而無包賦黨訟之習民力農而少逐末狙詐之流婚姻稱家有無喪葬量力成禮

古風猶有存焉舊志

士習好高尙間有從事干謁者茶必恥之故士多畏謹自愛惟多憂貧雖中產之士入庠輒業教讀若登賢書而能鍵戶讀書者少不知貧者士之常昔有人問沈近思總憲何者爲救貧之法曰須讀書人以爲迂實則非迂也至偏僻之鄉間有家累鉅萬不延師課讀者有洪子弟從師不知忠且敬於先生而轉望少年倖獲科名者此財虜惡習不足爲風俗之病也舊志

婦無蠶桑之職惟事紡績勤者日夜能紡丈布之紗亦間有能自織者抱布貿棉權算工工於男子惟唐江竹下專工織帶橫石井以內則又專事績苧所產夏布精緻倍於他方船志

貧家婦及女僕多力作負水擔薪役男子之役有人詠長寧道中詩云一日暮女郎來打水長裙赤腳髮堆鵝舊志蓋記實也康俗亦不甚殊惟寺觀仙佛之會則少艾眇有至者

服食昔專儉樸今則綺羅珍錯居室器皿競相誇鬪而宴客尤豐物力有漸不能支之勢舊志

服色上下無章相沿日甚皂隸賤役羅紈徧體有達官貴人不及者若得縣符動則並與

聯騎恬不爲怪是所賴於賢明有司之振綱飭紀轉移風俗者同治九年邑紳稟請示

禁此風稍爲斂戢舊志

江西金谿人賈書臨川之賈筆清江人賈藥饒州人賈盜各因地土所產懋遷寄焉南康土人業微業利微利拮据勞苦苟免饑寒則熹然自得若懋遷有無雖十倍之利寧棄弗顧棄農作商康人絕少故鄉曲少凍餒之家而亦少千金之子舊志

冠依文公家禮擇日戒賓行禮如儀舊志

冠禮多在婚期時卜日速賓擇有德望者數人東西排立其長者行三加禮餘各以次醮

酒簪花祝辭寓規勸禮畢冠者左右跪謝起入洞房行合巹禮王志

婚娶必擇家世相當者問名而後納采受聘多辭財物服飾而已嫁女擇壻首重儒門尙合古人治家之訓舊志

女之笄俗謂上頭將嫁則行之禮有納采問名俗曰下定亦曰較鞋樣言將男女鞋樣交相贈也士大夫則曰傳庚禮有納幣俗曰下茶士大夫則曰過聘禮有納吉請期俗曰報日禮有親迎俗曰接親禮有合巹俗曰交杯禮有廟見及見於舅姑俗曰拜堂名雖異而實近古舊志

俗多童養媳每在髫齡或乳哺時入門略具花燭儀謂之接乳及長擇吉祀祖而配合之

謂之成合雖不備禮而貧家可免溺女曠男之患亦變禮之得者舊志

凡初喪子哭踊成服父報族長母報外戚餘親用他人代計親友聞而赴弔各備祭奠至

虞祥禫諸祭隨人自盡舊志

親死延浮屠作佛事有力之家則請鄉紳題主行家奠不盡用文公禮築墳多隣里助工

惟女喪或因外族藉端耗擾往往戚好失歡因而成訟俗之澆敝此亦一端舊志

俗言僧道婚則用以押嫁葬則用以押喪士君子以禮傳家則不用

祭祀士庶家多立祠堂無祠者祭於寢一依朱子家禮清明中元冬至合族人於祠致祭

省墳則於清明冬至為期舊志

正月元且擇方與時之吉日出行炳燭焚香合拜神祇謁先祖既而卑幼拜尊長退而往

親鄰相賀歸則長幼宴飲曰年酒舊志

正月三日淨掃穢屑盛以畚用香燭楮錢之屬送郊野焚之謂之送窮鬼舊志

上元前數日懸燈為樂或用竹絲織為龍分五節曰龍燈張以為戲又劈竹為船糊以五

彩內設儀仗甚整男婦望輒羅拜尊之曰大神至上元後一日向午一人提劍數人鳴

金隨之狼躑咤叱如有所追逐者沿門收取春帖香梗燭燼之屬委其船鼓吹送野焚

之曰禳災是月擇吉父兄各以童蒙就外傳兒童初入塾塾師點授句讀以王伯厚三

字經一幼而學壯而行上致君下澤民揚名聲顯父母光於前裕於後」八句為讀首曰

破蒙舊志

上元日用巨木數根為鞦韆架二人登架踏之漸踏漸高勢入雲霄士女聚觀舉國若狂

是夕三五為羣竊摘園蔬中之芥白菜類中插以燭沿街擎照謂之拉青舊志

二月農夫糞其田驚蟄始漬穀種有遲至春社者故諺曰「懶人傍社」清明後插田諺曰

「松心高一尺家家請就蒔田客」是日喜晴不喜雨故諺曰「清明雨蓑衣斗笠高掛

起清明晴到處擔秧蒔草坪

四月插禾畢鄰里歡聚飲酒謂之脫秧根及穫畢又如之謂之洗禾舊志

端午插蒲艾於門搗雄黃和酒飲以避毒饅角黍相饋市或浮龍舟羣戲於江鳴鑼競渡

舊志

中元以楮為衣送新喪家亦有用浮屠氏薦者中秋設酒對月是月社日耕者祭社報秋

成九日登高玩菊佩萸黃隨其所適冬至祭先於祠省墓如清明歲臘二十四日掃舍宇

杵米為糍粑相餽是夕祀竈除日寫春帖懸先世遺像於堂薦以醴饌既而燒爆竹動

鼓吹合長幼宴飲曰守歲舊志

吳楚信鬼之俗相沿不破凡有疾病多聽於巫謂之作福甚有生子數齡無恙延巫者書

其年命藏而祝之曰栽花至婚產後又延巫者啟而祝之曰開花舊志

小病抄問方藥多延道士剪紙繪爲白虎滕蛇貼於箕漚以鷄血用桃枝打而出之曰送

白虎仍仿楚詞招魂之義四方呼之道士一呼親黨百諾曰贖魂舊志

稱壽者必以得十爲成數康人多取晉一謂之得一亦曰開秩蓋取天開於一數所由生

之義舊志

里巷歌謠天然音節然往往多男女相感之詞以解其憂勤辛苦若或不能自己者亦勞

而不怨之遺也舊志

俗惑風水之說每至停柩逾期舊志

附錄康熙四十九年江西按察使吳存禮示

爲嚴禁停喪積習以挽頽風以敦厚道事按律凡有喪之家必須依限安葬若惑於風水及託故停柩在家經年暴露者杖八十查江西地方狃於積習每每停柩逾期而南康更有因家貧無財停喪數載或至十餘年甚有子死而孫不能葬者日久歲深屍柩暴露設遇水火保無焚掠之虞良可掉嘆况圖謀風水必至爭山盜葬或至挾買強佔種種貪求遂至計告不已甚者率衆登山斃斃人命是福未至而禍先招殊不知風水非可強求而得者諺云「陰地不如心地」誠有見而云然今停喪之俗不惟越禮干咎

更非孝子慈孫所忍爲也凡士庶之家務宜痛改積習確遵律例庶孝道可全而俗反

敦龐矣舊志

附錄知縣葛淳禁惑堪輿諭 康邑愚民惑於堪輿之說以祖父母筋骸求子孫福澤有

盜葬他人地者有衆家地而私賄一人謀買者甚有誘其浮蕩子孫挖去祖父母筋骸

而謀買者且有冒認他人之祖墳爲己祖墳先改其掛面妄思涉訟幸勝然後挖其筋

骸而改葬己之祖父母者此等惡習深可痛恨不知人死則以入土爲安故爲子孫者

以得安隱之地葬其親爲了卻大事至於風水陰發子孫之說本屬渺茫即有之亦非

強求可得且亦非乞丐盲地師所知每見從來大地具於貧窮時無意得之及至富貴

力求好地而反得消敗者屈指難數又何必強求乎况強求則必壞心術傷天理天理

人心既喪即有好地豈復能陰之爾等愚民鋼蔽已深或反視爲迂談本縣姑即與爾

等明地理之說凡有好地既發則其秀氣已盡從而更葬如食人吐餘豈復堪飽且地

氣有轉移時而盛者時而衰彼之子孫正當衰敗故得爲爾謀買爲爾強托彼前享其

盛而爾後承其敗雖至愚者不爲即有空地而我強佔之謀買之自謂得計然方葬而

即遭一場官事則其地之不佳亦可知矣此本顯而易見而紛紛相習成風皆由惑於

地師之說也夫堪輿之書汗牛充棟明之者少彼乞食游棍師傳不過數紙一卷耳豈

復能識其微者本縣於去冬在猶邑會審匪案諸匪犯大半係看風水者其人皆兇惡愚昧方位不辦何知地理誤認殺氣為旺氣哄動首逆奸心且彼亦各有祖葬果明理地何以與首逆俱身陷大刑乎此尤其鑿然可鑒者爾等愚民當洗心滌慮勿為所欺復蹈故轍本縣一片苦心反復開導如仍不知悔悟一經告發除按法重懲外仍窮究地師大法處治其原告亦着先查地師何人本籍何縣現寓何家首名具控以便速拿毋致免脫為此通行曉諭各宜凜遵

物產

一卷之石寶藏興焉南康地屬揚州一丸耳物力限於地方之窮金錫瑤琨其利非古所云矣然天者裔者飛者走者潛者動者所在多有賢司牧樽節愛養之未始不足以供祭饗饗殮之需也雖然貴粟賤貨王政所先省郊原而禾麻被野稻梁再熟亦庶幾富庶之基哉志土產

- 穀屬 種不一稻之可種者為占可種者為糯 占古謂之秣種種者有早晚在田曰禾 油占 毛占 觀音占 湖廣占 臨江早 黃花早
- 救公饑 日熟 鬚早 一粒鬚 四季紅 米紅經四季乃熟 大禾 即香粳米粒物白性膩滋養最為 紅殼糯
- 火燒糯 大糯 遲糯 薯 有紅白二種山田皆可種生熟皆可食性補脾然經霜易爛人多搗土膏食之或切為絲片曬之以備餼糧磨碎製粉潔白如雪與麻粉同邑民藉佐穀食 毛

諸 皮有毛多味甚甘滑又名刷諸 甜藷 野生可食

- 麥屬 大麥 也 小麥 也 蕎麥

- 粟屬 包粟 毛粟 膏粟 粟 狗尾粟

- 菽屬 黃豆 烏豆 菜豆 豇豆 冬豆 扁豆 刀豆 蠶豆 豌豆 魚眼豆

- 藟屬 有實為直無實為藟直可食藟可結 黃麻 白麻 黑麻

- 蔬屬 芥 萊菔 白菜 韭 石耳 出懸崖絕壁性涼 木耳 菠薐 苧 忌同 馬齒苋 蕹菜

- 苘蒿 芥 菱筍 春筍 苡苳 俗名鴨舌香又名田螺菜 芥藍 蕪 芹 水芹 茄 葱 忌同 蒜

- 薑 椒 香菜 蕪 黃赤色大線中指長尺而尖清香甘脆

- 菌屬 茶菰 俗名木梓菌味如香菰肉微薄有蒂秋產者煮之不糜甘鮮加倍 松菰 春夏之交得雨則生狀如張傘

- 蔬屬 王瓜 可食 西瓜 子亦可食 冬瓜 絲瓜 苦瓜 南瓜 菜瓜 金瓜 瓠 嫩可食老可貯為鹽 牛角瓠

- 果屬 桃 李 夏至桃 小滿桃 桂花桃 珍珠李 梨 梅 栗 柿 橘 柚

- 橙 柑 楊梅 枇杷 葡萄 石榴 蓮 香櫞 棗 林檎 荸薺 侯棹柿

- 菱角 梧桐子 臘蔗 落花生 一名長生果可用以榨油

蜘蛛 大者名蠅子 小者名蠅子 蟻 白蟻 水蛭 又名曰馬蟻 斑貓 叩頭蟲 色黑壳堅腰可屈折抑其體則向人若叩首之狀 夜光蟲

蟬 瓦蠹

貨屬 棉布 苧布 樓 漆 菜油 桐油 棉子油 紙被 取木皮漬爛為之溫軟如棉絮 茶油 又名清油

胡藍 有二種一名苋 桑藍一名青子 石綠 宋時綠油產石綠野地見通志 菸 薺粉 蕭粉 茶 產鍋坑蒸溪者最佳 甘蔗



鼠 燕頭鼠

白卷 白頭公

半 半兩銀 鼠 交面手

無錄 匪 實 諸 大 省 行 限 財 難 益 東 南 醫 山 中 和 香 公 香 和 藥 益 醫 諸 貴 藥 十 十 煎 白 頭 末 香 藥 益 四 藥